


3

17440

8655.1

印-3



鐵琴銅劍樓藏書目錄卷第七

常熟瞿

鏞子



經部七

小學類

爾雅三卷

宋刊本

題郭璞注首載郭序每卷前標篇目注中有音某者  
完善未刪卷後復有音釋又每卷有總計經若干字  
注若干字每半葉十行行二十至二十三字不等注  
每行三十字世傳吳元恭刻本爲經注之善者亦出  
自宋本然敦字闕筆是出光宗後刻本此則遺設字

闕筆而慎敦不闕尙是南渡初刻本也字體肅穆亦  
雅近北宋案是本之勝於注疏本者與吳本同而亦  
有勝於吳本者如釋天旌旗篇繼旒曰旒不作旒與  
唐石經釋文單疏本合釋地江南曰揚州不作揚與  
春秋元命苞石經魯詩廣雅合釋草菟雀弁不作菟  
與唐石經釋文合又萋繞棘菟注今遠蕙也不作志  
與釋文合釋木榎柅柳不作柳與石經五經文字合  
又皙無實棗不作皙與單疏本合又蕢藹注樹實繁  
茂菴藹不作菴藹釋魚貝居陸贖注貝中肉如科斗  
中不作斗與單疏本合又騰騰蛇首騰字不作騰與

單疏本合又有異於吳本而未必是者如釋詁縱縮  
亂也注縱放掣縮作掣緒釋言駟遽傳也注皆傳車  
驛馬之名作轉車釋宮東南隅謂之突注禮曰埽室  
聚突作婦室又開謂之榘闕作關釋天夏爲昊天注  
言氣皓旡作皓又在壬曰亥默作默釋水穴出仄出  
也作仄又所渠并千七百一川色黃注汨漱沙壤作  
沙壤釋草赤袍薊作袍釋木榎柅注白榎也榎皆作  
榎柅柅注樹似榎榎作榎榎遵羊棗注曾皙嗜羊棗  
作嗜榎赤棟注葉細而岐銳作岐銳梢梢擢注梢擢  
長而殺者擢皆作擢釋蟲蝻蛭作蛭又蜚蝻蚣蝻注

俗呼蜻蛉作蜻麟釋鳥鷓鴣寇雉注慙急羣飛作慙  
急又鳩舖枝作鳩又其踵企注飛卽伸其脚卽作却  
釋獸獬白豹注小頭庫脚作庫又虞迅頭注好奮迅  
其頭好作如釋畜尾本白驥注尾株白株作株又尾  
白驥注但尾毛白但作俱又爆牛注今交州合浦徐  
聞縣聞作聞以上數條皆未必此本是而吳本非者  
錄之以備攷覈且以補阮氏校勘記之所未及云

爾雅三卷

元刊本

此元時所刻巾箱本題郭璞注首載郭序後有音釋  
與宋本俱同其中字句異於吳元恭本者亦同卽出

自南宋初本也序後有墨長記云一物不知儒者所  
恥聞患乎寡而不患乎多也爾雅之書漢初嘗立博  
士矣其所載精粗鉅細畢備是以博物君子有取焉  
今得郭景純集注善本精加訂正殆無毫髮訛舛用  
授諸梓與四方學者共之大德己亥平水曹氏進德  
齋謹誌今以宋本覈勘一過知其言信然全書無後  
人竄亂處郭注中某音某者完善無闕其經文不同  
於唐石經者如釋宮屋上薄薄不作簿宋刻廣韻三十五笑筵屋  
上薄也亦從艸釋天何鼓不作河鼓與郭氏擔荷之訓合蓋  
古擔荷之荷實作何也釋水縣出不作懸出釋文縣音元是

古本作  
縣之證又釋畜駮牝驪牡不同雪窗書院本作駮牝  
驪牡武進臧氏謂鄭高密孫叔然本作驪牡郭作驪牝  
釋草其萌蘢注音續  
繆不同雪窗本訛作丘阮近之釋經家皆以吳本雪  
窗本為單經注之善本而皆未見此本也

爾雅注疏十一卷

元刊本

序首題郭璞序邢昺疏序後接題爾雅兼義一卷上  
越數格題郭璞注通志譌以注疏兼義為二書所云  
兼義即此書也校勘記謂此書分卷無理然後來所  
刻注疏本皆仍之每半葉九行經每行二十字注疏  
俱低一格雙行亦每行二十字注文直接經下疏跳

行起特標陰文疏字尚是宋刊舊式明時修板時有  
譌字原本輒勝於後來諸刻少脫文改字之病故世  
以此書為善本也

爾雅注三卷

舊鈔本

題臣鄭樵注有自序及後序錢唐汪氏師韓所見為  
毛氏刻本議其經文多脫遺此本惟釋言篇奄同也  
三字不脫若釋水篇之繇膝以下為揭釋草篇之葦  
醜芳釋魚篇之蛭蟣釋鳥篇之倉庚黼黃也數處皆  
脫是舊本如此非毛刻舛誤舊為錢遵王藏本

卷首有錢

曾遵王藏書彭城楚  
殷氏讀書記二印

爾雅新義二十卷

影鈔  
宋本

宋陸佃撰陳氏書錄謂曾孫子適刻於嚴州者此本卷數亦合其書多襲荆公字說直齋所謂不出王氏之學是已惟所據經文尙是北宋相承之本較今世行本爲善如釋言楮柱也不作楮柱華皇也不作皇華釋訓怗怗不作怗怗鑊煑之也鑊從金不從水釋天四氣和謂之玉燭不作四時和釋地珣玕琪玕從于不從干釋丘當途梧丘不作堂途釋水河水清且瀾漪不作瀾漪釋草孟狼尾孟不作孟澤烏菴不作烏菴萃萍不作萍萍苳麻母苳不作苳蕭菽不作蕭

荻釋木座接慮李座不作座釋鳥鶻麋鶻麋不作麋鶻白鷹不作楊鳥白鷹烏鶻醜不作鳥鶻皆足資攷證也

方言十卷

校宋本

漢楊雄撰晉郭璞注首題輶軒使者絕代語釋別國方言次行卽接本文不載撰人注人姓氏宋慶元中會稽李孟傳得大字本刊置潯陽郡齋有序及朱質跋此明嘉靖閒翻刻本原書有脫文譌字不知何人以墨筆校改一過覈與戴氏疏證所引曹毅本相合惟卷十勝兒也注皆音義所未詳皆改此卷十一南

楚之外謂之螭麟注亦呼吒啗吒啗改吒蛭此戴氏所未及者

釋名八卷

明刊本

舊不題名范史作劉珍撰隋志作劉熙竹汀錢氏謂熙作釋名見吳志韋曜傳其人爲漢末名士則隋志是矣是本序後有題記四行云右釋名八卷館閣書目云漢徵士北海劉熙字成國撰推揆事源釋名號致意精微崇文總目云熙卽物名以釋義凡二十七目臨安府陳道人書籍鋪刊行卷末有嘉靖三年高陵呂柟後序蓋是本猶從宋槧出較明畢效欽刊本

爲勝

博雅十卷

校宋本

魏張揖撰隋曹憲音解此明皇甫氏錄刊本陳少章云博雅以皇甫本爲佳郡人黃君蕘圃復得影宋鈔本改正脫落謬譌甚多

羣經音辯七卷

舊鈔本

題朝奉郎尚書司封員外郎直集賢院兼天章閣侍講輕車都尉賜緋魚袋賈昌朝撰此書世所行者僅澤存堂張氏刊本其自跋謂校讎詳審經七年而梓成然以此本相核其譌脫尙多今略就首卷言之序

中衣施諸身曰衣注於既切於譌爲施並有意趣脫  
並字有譌爲其示部地祇也祇地神也祇安也注俾

我祇兮祇並譌爲祇

案地神之祇與安也之祇音異而字同安也之祇與敬也之祇

音同而字異

祭側界切側譌爲測王部皇又于況切于譌

爲於

案于於義雖同而音不同於屬影母于屬喻母

丨部中陟弓切陟譌爲

涉艸部蓄田也注一歲曰蓄脫曰宇蓄害也注能禦

大蓄大譌爲火莖田節切田譌爲曰今刺榆也刺譌

爲枚薄迫也注芳失切失譌爲夫春作也出也注出

其合於禮樂者合譌爲洽八部分均也注甫問切問

譌爲聞

案甫問切見左僖元年釋文若作甫聞與上分別也之府文切重出矣

口部呼

拆也注其象似玉瓦原之豐呼豐譌爲釁

案今本豐作豐此作

豐與釋文合

囓厄也注厄烏囓烏譌爲烏走部越結艸也

脫艸字彳部近辭也注居利切利譌爲例

案詩往近王舅釋文

近音記例不與記同韻也

干部干野犬也注干侯以犴皮飾射侯

也脫下侯字言部論理也注必卽天論卽譌爲明升

部卷冠武也武譌爲式觀此數條其勝於張刻已如

此向爲洞庭葉氏所藏蓋猶從宋槧傳錄者也

卷首有樸

學齋樹蓮

二朱記

埤雅二十卷

明刊本

宋陸佃撰并序此書作於爾雅新義之後初名物性

門類後易今名錢唐汪氏師韓嘗見宋刻總目外每卷各有目次此本已失其舊前有宣和七年佃子旦序卷末有儒先評語二條卽晁公武陳直齋語也

爾雅翼三十二卷

明刊本

宋羅願撰是本乃明正德間願十六世孫文殊刊本前有都穆序據序知是書嘗一刻於宋再刻於元而此本則從穆家藏宋槧出也卷末有曾姪孫裳記及方回跋

右訓詁

急就篇四卷

舊鈔本

漢史游撰唐祕書監弘文館學士上護軍琅邪縣開國子顏師古注案是書有浚儀王氏補注刊附玉海後吾邑毛氏又列入津逮祕書而顏注單行本未有傳刻者此本但有顏注無補注然亦與王氏所錄無異書中宏字注云周禮有宏人之官今本周禮無之不知顏氏何所據也

卷首有毛晉私印子晉汲古主人平江黃氏圖書諸朱記

說文解字繫傳十二卷

宋刊殘本

題文林郎守祕書省校書郎臣徐鍇撰原書四十卷今存叙目一卷通釋一卷部敍二卷通論三卷祛妄一卷類聚一卷錯綜一卷疑義一卷系述一卷後有

題云熙寧己酉冬傳監察王聖美本翰林祇候劉允恭等篆又有子容題二首尤表跋一首每半葉七行行十四字小字雙行行二十二字卷中慎字減筆是孝宗以後刻本也舊爲趙凡夫藏本其敘目一卷題跋二葉趙氏鈔補向藏郡中汪氏祁氏所刻繫傳部敘以下卽據是本故大致符合申耆李氏跋祁刻繫傳謂止借得部敘通論等六卷復往借則堅距不肯

出其實非也

卷首有吳郡趙宦光家經籍朱記

說文解字韻譜五卷

元刊本

南唐徐鍇撰是書傳本甚少 四庫著錄者爲明巡

撫李顯刻本是本卷一後有墨圖記二行云丙辰菖節種德堂刊當是元延祐三年槧本也其足正李本之誤者如寒部簡瀾連瀾闌五字在乾蘭調調四字之後豪部高皋慕羔膏五字在猓詭號號鄂五字之後次序並不譌足徵此本之善矣舊爲明陸文裕公藏卷中有鈔補數葉皆文裕手蹟卷末有題識云篆隸四聲韻皆經予手自校補者三四始完而板刻模糊者猶十一二好書之難得也如此儼山記於中和

堂

卷末有子開印朱記

玉篇三十卷

元刊本

梁顧野王撰唐孫強增字宋大中祥符六年陳彭年  
吳銳邱雍等重修按孫氏書原本明初猶存後已佚  
此名大廣益會卽重修本也明內府本 國朝曹氏  
刻本皆曰重修而張氏所刻刪去卷首指南一種惟  
存神珙反紐圖與分毫字辨較曹氏少重修之牒餘  
悉與是本同秀水朱氏序謂卽上元本非也

汗簡三卷略敘一卷

舊鈔本

宋郭忠恕撰此孱守居士手鈔本卷末有天禧二年  
李直方後序庚寅鄭思肖跋及居士自跋居士姓馮  
氏名舒字已蒼吾邑人此書今有錢唐汪氏刻本出

自秀水潛采堂然以此本校之有可以補正者甚夥

如元部臚字注誼此作祖

案祖當作祖

王部下此有見石

經三字口部齋字注孔子題季札墓文下此有字字

尙部下𡵓有女八切三字大部卑字注出郭顯字指

顯下有卿字几部几皆譌夕此竝改正目部

字注同字上此有上字明部𡵓字注見周易此周上

有古字𡵓部凡𡵓之屬皆从𡵓此竝作𡵓工部正字

注臣此作巨𡵓部注𡵓展此無𡵓字黍部黍竝譌黍

此作黍臼部注此有巨九切彡部𡵓字注文亦作旅

此文上有說字𡵓部下此有卿字囟部注江上空一

字此作又

案又當作又

焱部注弋下空一字此作劔

案劔即劔

此書劔

部皆从奔此皆作从宀宅部室字注出張

楫集古文此楫作揖車部譽字注輔此作輶乙部

字注今下下空一字此作亦子部

有山字彡部注他骨下此有切字至目錄第二章字

注元卷中作又字注死卷中作此並在簡端

蓋校者之語汪氏譌入之注中也第三依字注牛林

下此有切字第六白字注丁四切此四作回弄字注

空一字此作養

案養字作養

凡此諸條雖亦未能無譌要

勝汪刻為多故悉舉之為讀此書者諗焉

卷首末有馮舒之印

癸巳人虎孫士禮居藏黃丕烈諸朱記

### 新集古文四聲韻五卷

宋刊本

題開府儀同三司行吏部尚書知亳州軍州事上柱

國夏竦集闕第一卷上平聲廿九韻鈔補全此書宋

本難得汲古毛氏僅有影宋鈔本歛汪氏得而刻之

其篆書筆畫微有不同處因鈔致譌也是本舊藏雁

里草堂乃明吳郡沈與文辨之藏書處也

每卷末有沈與文印

姑餘山人雁里

草堂諸朱記

### 續千字文一卷

鈔本

題左朝散大夫知池州軍州事賜紫金魚袋侍其良

器有紹興戊午年左正議大夫充顯謨閣待制提舉  
坵州太平觀葛勝仲序後有乾道乙酉鄉貢進士謝  
褒跋云諸生請刻浯溪崖石以彰不泯筠居聞而喜  
之爲作真隸二體云云則其文宋時嘗刻石矣案良  
器名瑋以字行長洲人宋皇祐元年進士葛剛正重  
續千文注作二年此據盧熊府志屢判名郡所蒞有  
政績

重續千字文二卷

影鈔  
宋本

宋葛剛正撰并篆注有自序剛正字德卿自號水雲  
清隱其先江陰人故自稱申浦葛寔自丞相謚文定

邨始徙丹楊德卿其從孫也先自吳中侍其良器爲  
續千文凡字已見梁千文者不復用德卿仿而重續  
之亦不用前二書已見之字旣成并前二書篆之且  
各爲之注案漢書藝文志曰漢興閭里書師合蒼頡  
爰歷博學三篇斷六十字爲一章凡五十五章并爲  
蒼頡篇蓋有三千三百字合此三書已不下蒼頡篇  
之數是卽漢人訓學僮之遺法矣惜其篆注前二書  
已佚此篇僅存其自注頗詳瞻所采逸書甚夥唐韻  
自崇文總目外不復見此獨引三十五條亦藝苑之  
碎金也其篆法嘗得四明潘昌年所篆梁千文而習

之積二十餘載自謂可遠紹前修吾子行學古編亦稱之此本雖展轉摹寫其結體之工尙可概見至如磨麻鞦韆筭篁等俗字卽從隸體作篆要亦不得不然惟以耕種之種爲種稔之種此其違失也

敘古千文一卷

舊鈔本

宋胡寅撰明姚福集解有後序福字世昌鳳陽人胡氏書見趙氏讀書附志陳氏書錄解題以後罕見著錄近謝氏啓昆小學考云未見則傳本甚稀矣攷隋唐二書經籍志周興嗣千字文外有蕭子範千字文又有無名氏演千字文皆佚不傳其繼散騎而作者

以此書稱首厥後續之廣之者不一後有作者第以爭奇角勝無裨實用惟此書朱子嘗題其後云敘事立言昭陳法戒實有春秋經世之志至於發明道統開示德門又於卒章三致意焉初學小童朝夕諷焉而聞其義亦足以養正於蒙矣而雙峰饒氏課其子先授此書次讀刊謨孝經其見重先儒如此姚氏注此書曰集解則前此作注者不少惜不詳所出莫由知其姓氏趙氏附志有云南康黃西坡灝商伯爲之傳熊氏大年分爲十二節此書分節正如其數可見者僅此二家而已

歷代鐘鼎彝器款識法帖二十卷

明刊本

宋薛尚功撰薛氏手書本舊藏山陰錢德平家流傳不一姓崇禎間南州朱謀聖氏得之摹刻以行并爲之序後有張天雨趙孟頫楊伯喈周密柯九思周伯溫豐坊等題語俱以手書摹刻近楊州阮氏重刻本未錄朱序及元人題語當出自別本也

復古編二卷

舊鈔本

宋張有撰嘿菴手鈔本嘿菴卽孱守居士也後有題記云篆字嘿菴王書又云崇禎辛未七月甫鈔成爲何士龍借去越六年丙子始見歸如見故人如得已

失物也此書與安邑葛氏所刊新安程氏舊寫本大致相同似出自一源嘿菴書不無小有舛錯如支韻之窺譌爲窺稜譌爲稜灰韻之積當在厖字下而譌在上則紊其紐矣然其結構謹嚴運筆圓健蓋亦陶九成所謂寫篆而非畫篆者正非刊本所及至其小注則屬鈔胥影寫嘿菴亦未遑審勘然如齷字注云別作齷刊本譌爲齷無此字也鉏字注云士魚切刊本譌士爲七柴字注云師行野次豎木爲區落名曰柴籬案本書籬字注艸名又藩也別作籬非則此从艸是也刊本乃譌从竹其足資訂正者不少葛氏撰

校正一卷頗爲疏略惜未見此帙也

班馬字類五卷

舊鈔本

宋婁機撰是書分卷不與通行本同顧澗翁謂字類有繁簡二本此繁本也書中敦殷脊有關筆當從宋刊本傳錄其足以補正叢書樓本脫誤甚夥如平聲冬鍾韻鉛字注末有銅屑也三字癰字注師古曰下有如說是也太宰卽具食官十字支脂之韻氏字注破雍將軍馬氏馬不作馬訾字注讀與貲同貲不作資蠡字注末有漢書宣紀同五字施字注史記衛綰傳衛綰不作萬石郊字不誤郊又注漢書下有郊祀

志太王建國于郊梁七字獻字注謂斗魁及杓未如勺之形多及末之三字黝字注末有字本作黝四字丌字注其當作丌其不誤六微韻幾字注漢上有史記留侯世家豎儒幾敗而公事十三字齊韻佞字注丁上有回留之不能去云七字犁字注以下有徑路刀金四字又酒下有注留犁三字灰哈韻磴字注崇上有卽卽孟康曰五字財字注足下有餘皆以給置傳六字財字注財振貸貸不誤貨郊字注傳下有行部至三字裁字注赦下有災本字三字無詩遇裁而懼五字薑字注瀆不作潰真諄臻韻滇字注汝南慎

陽不作憤陽鈞字不誤鈞後字注約下有師古曰三字細字注傳下有作乘輿輦加畫繡七字又馮下有黃金塗三字文欣韻墮後有塵漢書楊雄傳其塵至矣古勤字一條寒歡韻姍字注先上有勃宰二字先僊韻縣字注無非當借名四字歌戈韻獻字注古下有日字形下有也犧讀同娑五字麻韻邪字注未有音蛇漢書天文志同八字陽唐韻印字注態不誤熊尤侯幽韻繇字不重繇次繇後繇字注漢下有書文紀亦無繇教訓其民十字無文袁盎傳繇此名重朝廷十字杯字不誤杯桴字不誤桴髮字注干下有枚

字又漆下無許來反三字有髻一作髻黍俗作漆八字蠕字注蛭蠲獲蠕不作蠕獲猱侵韻浸潯字注末有司馬相如傳浸潯衍溢同音十一字覃談韻撼字注辰星不誤倒上聲紙旨止韻姐字注傳下有隴西二字姐下有旁種反彡先冉反姐八字紫下有姓也二字披字注皮彼反皮不作披麋姥韻拊後有附史記武安侯傳蚡以肺附為市師相漢書中山靖王傳得蒙肺附劉向傳臣幸得託肺附與腑同本作腑亦作腑一條旱緩韻罕字注末有同罕二字篠小韻橋字注末有又楊雄傳仰橋首以高視兮師古曰舉也

音同十八字養蕩韻鞅字注不自足也自不作滿罔  
字注罔密文峻文不誤又陟忝广韻噤後有多漢書  
馮奉世傳隴西羌多姐先冉反見四紙姐字下一條  
去聲送韻曹字注傳下有棄於二字曹下有中字寘  
至志韻眈後有眈漢書敘傳起眈事古視字一條織  
字注傳下有望見單于城上立五采九字又幟下有  
詩織文鳥章五字無式志反三字辟字注凡不誤九  
末韻潰字注古上有弗音弗潰四字遇暮韻遡字注  
傳下有揚氏二字上下有一字洿後無迕字一條有  
午漢書劉向傳朝臣舛午膠戾乖刺音五故反同迕

相違背也禮午其眾以伐有道一條霽祭韻僻倪不  
作辟倪趾字注里下有音裔踰也四字無孟康音浙  
四字臞字注謂聯續而祭續不誤讀隊代廢韻沫字  
注傳下有沐風雨三字翰換韻殺不作段諫禰韻辨  
字注未有讀作辦三字號韻溺字注曰下有屎鳥去  
聲屨俗作七字箇過韻和字注趨不作趙漾宕韻鄉  
字注讀上有陳湯傳鄉化未醇七字宥候幼韻揀字  
注將不誤何繇字注繇下有也字艷榛醞韻揆字注  
明下有晉灼曰揆四字音上有師古曰麗音離揆七  
字陷鑑梵韻汜字注漢上有史記司馬相如傳汜濫

衍溢十一字又汜後一條作汜不誤汜汜字注無史  
記至鑑反十四字入聲屋韻宿字注國下無有善二  
字菑上有昔字菑下無日讀作昔四字僂字注贊下  
有困厄奴僂注五字無云字覺韻藐字注臣不誤呂  
質術櫛韻佚字注傳不誤律勿迄韻宛後有悲漢書  
禮樂志相放悲見上聲三十六養放字下一條陌麥  
昔韻柏字注弗不作悲液字注未不誤來職德韻具  
後有激漢書述武五字傳六世耽耽其欲激激易作  
逐一條貸後有貢漢書主父偃傳假貢無所得音士  
得反一條昌字注焉不誤馬葉帖業韻懋字注未有

與攝懼同四字凡此諸條皆足正馬本之誤故備舉

焉卷尾有一雲  
散人朱記

班馬字類補遺五卷鈔本

宋李曾伯撰曾伯字長儒覃懷人後居嘉興故自序

題覃懷而又稱婁氏爲鄉先生也理宗朝歷官四川

安撫使賜進士出身爲湖南安撫使進觀文殿學士

又知慶元府兼沿海制置使事蹟具宋史本傳此本

舊爲五硯樓所藏從士禮居鈔本傳錄後有袁廷檣

跋書凡五卷蓋仍婁氏之舊

按字類有兩本一本兩  
卷見書錄解題今有楚

書樓刊本一本  
卷四庫所著錄其書以婁氏原書列於前附補遺

於每韻之後原注有遺復補於注下亦以補遺二字  
別之愛日精廬藏書志但謂補遺卽附每字之下說  
猶未備也李氏所補凡一千二百三十九字補注五  
百六十三史漢古文假借之字古今音讀之殊幾於  
蒐采靡遺而於婁氏原書又頗爲更正如史記項羽  
紀及漢傳楚蠡起之將之蠡係古蜂字而趙廣漢傳  
專屬疆壯蠡氣之蠡讀曰鋒原書誤合爲一李氏爲  
別出之漢書王褒傳萬祥畢漆及史記三王世家西  
漆月氏蓋皆以漆爲臻原書誤分爲二李氏爲合併  
之按西漆月氏之漆婁氏作湊李氏作漆蓋其所見  
又是一本然正義曰漆音臻與王褒傳顏注漆與

臻同合似以司馬相如傳通殷勤之殷听然而笑之  
李氏爲是

听並誤入十七真李氏移之二十一欣漢書禮樂志  
大氏皆因秦舊之氏匈奴傳北邸郅居水張耳傳邸  
父客之邸並誤入四紙李氏移之十一薺分併改易  
此類甚多其他增刪字句尤不可勝數蓋亦婁氏之  
功臣矣至若武帝紀作柏梁桐柱承露仙人掌之屬  
證以封禪書郊祀志桐皆作銅知其假桐爲銅楚世  
家莊王侶立證以春秋左氏傳知其假侶爲旅或書  
作侶誤而各注家皆未之及漢書古今人表尾生晦  
卽微生畝而尾無音尾生高尾卽尾字顏氏亦無註

其正俗本之設訂舊法之疏洵可與小司馬索隱三  
劉刊設並觀而為讀史漢者所必津逮焉

卷首尾有  
廷禱五硯

袁印桐橋五硯樓收藏印  
主人海盜陳鱣觀諸朱記

字通一卷

舊鈔  
本

宋李從周撰前有嘉定十三年魏了翁序後有寶祐

甲寅虞執跋錢遵王藏本見敏求記

卷末有虞山錢  
曾遵王藏書彭

城世家  
二朱記

六書故三十三卷

明刊  
本

宋戴侗撰并序首列六書通釋一卷延祐庚申婺郡  
守趙鳳儀得其家藏本序而刻置郡學此明人重刊

本也

龍龕手鑑四卷

宋刊  
本

題釋行均字廣濟集統和十五年丁酉燕臺憫忠寺  
沙門智光字法炬序每半葉十行每行大小卅字不  
等此汲古閣毛氏舊藏本上聲一卷毛氏精鈔補足  
蓋卽讀書敏求記所謂契丹鏤版者也然攷夢谿筆  
談郡齋讀書志並稱龍龕手鏡以鏡為鑑當是宋人  
翻刻避嫌諱而改錢氏所見既作鑑字此本亦然安  
得復為遼刻耶且遼僧所刻必不為宋帝諱統和丁  
酉當宋至道三年亦不能預為太宗以後諸帝諱今

觀此書序中鏡字闕筆金部並不載鏡字山部完字  
闕筆木部並不載桓字構書作構惇敦作惇敦餘如  
殷敬讓恒樹慎擴昀等字悉行刊落蓋非特不出於  
遼恐并非蒲傳正帥浙時所刻矣又攷智光原序稱  
四卷而文獻通考引讀書志則作三卷衢州本同今  
以此書核之乃知晁氏之非誤蓋書中本以四聲分  
四卷各載部目於卷前而板心則以去入兩卷統書  
龍三實無龍四殆以去聲僅九葉不成卷故合之所  
以又有三卷之稱也傳鈔之本板心字或不錄而近  
世通行本四卷又皆分爲上下盡改舊觀更難尋究

向非古刻猶存晁馬兩家之書復何自而證明歟

卷首

有安石珍藏圖書汲古  
主人毛氏子晉諸朱記

增廣鐘鼎篆韻七卷

舊鈔本

題臨江楊鉤信文甫集有馮子振熊朋來序自王氏  
楚始作鐘鼎篆韻一卷薛尚功廣之楊氏又博采古  
今石文以增之所增者別出於後六卷依韻編次七  
卷分象形假借奇字合字二字三字四字  
字合成一字會意有偏旁  
可考而無訓讀字畫簡古而無文理可考字畫奇古  
而未可訓釋凡八類可供討論六書之助熊氏序謂  
自瑀戈鉤帶及凡碑刻古篆皆在焉又云以奉符黨

氏韻

名懷英

增補夏薛所未收

夏竦古文四聲韻本唐韻薛尚功依之

其

篆則夏商周秦之篆而韻則唐韻也亦可按是以考舊韻之遺此本出錢遵王家藏輾轉傳錄序後有朱描巨印按其文是緝熙殿書籍印六字按玉海宋紹定六年緝熙殿成御書二字榜之宋史理宗本紀六年秋九月以緝熙榜記宣付史館是此印當在宋時其描於此書上乃出書賈作偽錢氏敏求記何為洪熙殿張氏藏書志阮氏進呈四庫遺書提要又何為洪熙侯俱譌而并未考其不當有是印也

說文解字補義十二卷

元刊本

元包希魯撰希魯字魯江西進賢人從吳文正公學其教人先德行後文藝士習一新歿後門人私謚忠文先生事蹟詳江西通志此書作於至正間孫彥孝刻之前有至正乙未希魯自序楊鐵崖云希魯所著有白經五千餘言又有易九卦衍義詩小序辨點四書凡例朱子纂言原教說儒等篇今皆不傳惟此書僅存

六書統二十卷

元刊本

題奉直大夫國子司業楊桓考集并序又至大元年翰林直學士三山倪堅及國子博士劉泰序劉序謂

朝廷特命馳驛往江浙行省刊板印書以廣其傳則當時甚重是書也元史本傳謂其所著諸書推明許氏之說而意加深然後人議其所論六書喜出新義不宗古訓惟以夙工篆籀全書皆其手寫故世特重之卷末有元統三年八月江浙等處儒學提舉余謙補修一行

六書統溯源十三卷

元刊本

題與六書統同此取說文所無之字作為篆籀而以六書之義疏之惟闕象形一門全書亦其手自寫定以刊者各家書目俱曰六書溯源原本有統字

說文字原一卷

影鈔元本

題鄱陽周伯琦編注前列京兆宇文公諒臨川吳當序次伯琦自序又次序贊目錄其書手自寫定刻於至正十五年据字文字稱都火庸田使康里公溥修屬平江監郡六十公子約郡守高公德基刻梓云云則是書實吾郡刊本也

六書正譌五卷

元刊本

題與說文字原同有自序又宇文公諒序吳當後序元史本傳謂以篆隸真草擅名當時楊文貞謂夔夔薦伯温篆書宣文閣榜稱旨益見進用此本刻於至

正十一年其論六書誕謾無足取潛研錢氏深詆之  
惟書中篆字皆其手寫結體遒勁頓折分明猶見古

人作篆筆法

卷末有江南陸潤之好讀  
書稽古聽松散僊二朱記

續復古編四卷

舊鈔本

元曹本撰并序本字子學大名人官都昌丞又佐信  
州幕府困下僚卒張氏復古編凡二千七百六十一  
字子學因其舊文哀集彙次增音同字異一類多至  
四千餘字其字每取說文注中所載而諸部不見者  
又經典所有而說文不載者討正辯俗皆有依據其  
拾遺訂陞之功較張氏益深又謂二徐之校說文皆

各據所見不宗古義如鼎臣以叩爲喧楚金以囂爲  
喧實與叔重義不合叔重明云叩驚呼也囂呼也謹  
譁也是謹卽喧本字又尉繚子謹譁者有誅史記諸  
將盡謹叔孫通傳無敢謹譁霍光傳民間謹言皆謹  
卽爲喧之證不當以叩囂爲喧也鼎臣於統字下注  
云作髡髡乃髮垂詩髡彼兩髦是也若統乃冕冠塞  
耳不當同髡字其辯甚覈書成有危素楊桓楊翮字  
文公諒蔣景武克新仲銘張紳等爲之序皆推重之  
書中上平聲類縣字下重列東韻下等字注明逢字  
下七十六字盧熊公武所增又聯綿類中敖鄙別作

礪碯下有熊案亦可用整嶠二字一條盧崑山人當  
與子學同時友善經其校訂故也卷末有貴池吳銘  
道跋云碧巢先生得寫本於人已殘敝命人鈔其音  
訓而屬余爲之篆其文焉案諸家書目皆不載惟見  
汪仲鈔桐石草堂集論篆詩曰尉律於今課不修形  
聲斷簡孰深求洹陽功與吳興埒經籍虛聞誌弱侯  
自注余家藏有元曹本續復古編焦竑經籍志不載  
本自號洹陽生

師古篆韻六卷

舊鈔本

題元李鏞竹安氏輯明陶漁耕山父校刪其書以說

文部首分韻編次仿李氏五音韻譜例而各部之字  
亦以韻次其先後又仿溫公類篇例但標部分而不  
標韻目先以小篆次以漢印古文惜未注所出又以  
古文列漢印後乃其闕失也

卷中有不忒頂墨林鑿賞章之亭華源艸堂竹

窗江村秘藏諸朱記

漢隸分韻七卷

元刊本

不著撰人名其用韻已與平水合故 四庫著錄列

諸元末也前列鄱陽洪氏序跋卷一列天下碑錄而  
新莽侯鉦耿氏鐙諸器亦以碑當之孱雜甚矣卷二  
凡例有三曰隸字假借通用曰四聲隨文互見曰漢

隸雙字類卷三以下依韻編次其所刺取不越歐趙  
洪三家惟隸古點畫最易混淆得此猶可參攷焉

右字書

切韻指掌圖一卷

影鈔  
宋本

宋司馬光撰并序又董南一後序末有溫公四世從  
孫跋云刻於紹定庚寅其名則闕此本蓋出吳門顧  
裒盍小讀書自卽竹汀日記鈔所謂影南宋槧本也  
按切韻之書以溫公指掌圖爲最古而溫公之圖又  
以此本爲最古雖亦不無淆亂如十六圖庚耕當在  
二等登當在一等而竟互倒十八圖之支兩韻四等

字並列一等皆誤之甚者至十九圖幫母下不字蓋  
在宋時已竄入故孫季昭示兒編論不字當讀通骨  
切以此書碑彼貝不爲據然十圖入聲亦用此韻獨  
無不字是原書本無不字其迹猶未盡泯也攷集韻  
類篇皆溫公所修集韻收不字於勿韻弗紐中沒韻  
則不收與廣韻同類篇不方久切又重音四風無切  
方鳩切方副切分物切皆無所謂通骨切之音是十  
九圖之不字明係竄入季昭攷之未詳誤據爲說幸  
留此未經竄入處得以攷見溫公之舊則此本誠足  
貴也宋諱惟匡貞朗等尙減筆餘不盡然蓋轉寫失

之

切韻指掌圖一卷

影鈔元本

此本無刊刻年月審其行款當從元刊鈔出卷首有温公像上有分書贊曰上無所傳下無所授天資粹美暗合道妙不知何人所作序後載有檢例與宋本同而又增多數條卽邵氏所斥爲斷非温公作者吾邑張氏傳刻永樂大典本乃并題爲明邵光祖撰則由未見宋元本也宋本凡遇舌頭齒頭之二三等舌上正齒之一四等脣輕半齒之一二四等皆不作圈此本亦然而大典本悉作圈是不知此數等非直無

字并無其聲也此本竄改旣多脫譌尤甚然亦有可資補正宋本大典本者如一圖定母平聲一等宋本大典本皆作洵攷廣韻豪韻不收洵則此本作陶是也二圖精母去聲一等宋本大典本皆作粽攷廣韻粽爲俗字則此作櫻是也十四圖精母入聲一等宋本大典本皆作圈此本作噪噪蓋噪之譌攷廣韻鐸韻噪祖郭切五音集韻同四聲等子切韻指南宕攝合口呼圖內皆有之又穿狀審三母去聲二等宋本大典本皆作圈此本■稷滌滌亦與廣韻五音集韻等子指南諸書合其類此者正不少也

韻補五卷

宋刊本

宋吳棫撰韻補始刻於嘉禾明人已云罕見此本譌脫雖甚然觀其行款字畫尙是宋槧也明人屢經翻刻若何氏天衢許氏宗魯竝多讎正而許刻尤稱精善然以此本刻之知有原本不譌而誤改者如東韻杠字注此本云牀前橫與廣韻及太玄釋文合許本乃於橫下增一木字雖據說文而不知吳氏自本廣韻也幢字注此本云旛幢童也吳氏所引原本釋名正以見幢有童音許本刊落童字是失其指矣又如支韻躋字注此本云懷音同按十五灰古通支吳氏

明載於後故懷字卽收支韻且引釋名懷回也以證懷有回音許本乃改回爲而是不知懷屬匣母而屬日母不能同也凡斯之類正以舊本猶存今得推尋校改之迹而見吳氏之真未可因其譌脫多而忽視也

韻補五卷

鈔本

此本行款與宋刊本不同宋刊支韻淮字下脫至十餘行此本特完備譌字亦少是書以明許氏宗魯重刊本爲最善以按此本大致相同然許本改用古字篆籀兼登雅俗竝列不知韻主審音不主辨體殊失

吳氏之意此本未經竄易或尙出嘉禾舊刻歟按此書排比韻字實從字母次第說者謂金韓道昭五音集韻始以七音四等三十六母顛倒唐宋字紐不知已始於吳氏矣顧其中亂行失次亦復不少如支韻日母人字後綴以精等資薺斯私茲五字魚韻日母仍字後亦綴以精等資斯思詞四字又一來母鷺字疑其或有竄亂則又各本皆同攷徐氏葢原序有曰才老以壬申歲出閩別時謂葢曰吾書後復增損行遽不暇出獨藏舊書乃知吳氏自有定本未授徐氏今本是其初槩故舛錯若是耳至如韻部之通轉混

注牴牾尤甚世或詆爲千古所無之臆說若知其未成之書不可少寬其責備哉

禮部韻略五卷附韻略條式一卷

宋刊本

是書不著撰人直齋書錄云雍熙殿中丞邱雍景德龍圖閣待制戚綸所定景祐知制誥丁度重修元祐太學博士增補然則晁公武謂丁度撰尙攷之未審也今世通行本爲棟亭曹氏所刊曹所據乃景定甲子郭守正重修本此本卷末有紹定庚寅上巳重刊于藏書閣十二字則鏤前守正凡三十四年良可寶貴且曹本經守正刪定貢舉條格不甚詳備此則

自元祐以來場屋規制一一可攷是亦談掌故者所必資也

卷首尾有周天球印濟之顧霖印勤有堂讀書處无上品吳下阿霖諸朱記

增修互註禮部韻略五卷

元刊本

題衢州免解進士毛晃增注男進士居正校勘重增前有紹興三十二年晃進書表無序跋此元至正二十一年翻刻寶祐四年蜀中刻本第一卷末當有至正辛丑妃僊興慶書堂新刊墨圖記以鈔補缺葉遺之寶祐本於理宗諱昀仍載韻中蓋刻時悉依毛氏原本無所增損也此書諱例於僖順翼宣諱眺珽敬弘殷皆不避惟太祖至寧宗諸諱並同音之字皆不

載入

卷首有毛袞朱記

押韻釋疑五卷

宋刊本

宋歐陽德隆撰嘉熙己亥四明余天任刻本

竹垞朱氏跋此

書任前有莊瑞孫及天任序無余文煇序序後有條

誤柱

例十一則又監韻條式節要詳列場屋諱字與今刻禮部韻略前有淳熙重修文書式相同惟多暗諱一條如永欽永康大行登遐之類其諱字載在逐韻者俱用陰文其分韻卽國子監頒行之韻尙是隋書以來舊部二十六桓之桓改歡避諱故也韻字先列監註次列補釋凡字同而義異者注明不可混押字異

而音同義同者韻中雖兩列其字注明不可重押亦有古人通用而今無申明者注明不可押又押韻有疑貳處必援引前後詩賦一以南省上庠程文為憑其有失誤者錄以示戒每韻未附載奏添之字以陰文新制二字別之案世所傳者有郭守正增修本條例甚多於原書不復分別此本猶見歐陽氏書真面目也每半葉十行行大字不等注雙行行廿五字舊為傳是樓藏書卷首有西雲蔡昭宗文印章王獻臣藏書印主氏敬之乾學徐健奄諸朱記

新編分類增注正誤決疑韻式一卷

宋刊殘本

此書本五卷今存入聲一卷撰人名氏無攷觀其以程試故事為證當即出押韻釋疑而又從而附益之如穀字注釋疑謂前輩嘗言此字與高廟旁諱相似場屋中不共寫五穀為五谷公穀為公谷試官檢點不過係筆誤當一點耳此則引浙漕出天地和應五穀登賦太學秋試出加穀垂重穎詩以證其非犯諱又釋疑不載禮部韻略所附釋文互注此則悉採入之而復有增補如卜字注增又姓濮字注增又州名餽字注引易覆公餽肅字注引爾雅進也速也肅噉聲也故有增注之名每韻之前並載字畫之誤音韻

之疑兩條字畫之誤摘韻中字之有俗體者而正之  
蓋卽所謂正誤也音韻之疑摘韻中字之有重音者  
而辨之列其目於此而詳其說於韻中字注蓋卽所  
謂決疑也其韻字悉從韻略無所增損音紐次第亦  
並相同惟擇其字之希用者別出每韻之後以陰文  
少押類三字隔之所謂分類殆以是歟此實自來韻  
書所僅見其通用之韻則兩韻三韻并一少押類如  
二沃之少押類不繫二沃後而并繫三燭後五質六  
術則并繫七櫛後又可見二百六韻久已合并至平  
水韻而并去其名耳故雖坊刻殘帙特存之以備一

格且以著韻部變遷之漸焉

卷首有五峯徐氏家藏朱記

新刊韻略五卷

影鈔元本

此書不著撰人姓氏簡首有許古道真序作於正大  
六年云平水書籍王文郁攜新韻見頤菴老人云云  
卷末有墨圖記二行云大德丙午重刊新本平水中  
和軒王宅印是出王氏後人所刻已非文郁之舊矣  
卷首有貢舉三試程式及章表回避字樣并及於皇  
慶三年延祐元年云云是又大德後補刊者前人皆  
謂併韻始劉氏淵王子新刊禮部韻略爲一百七部  
皆據黃氏韻會此書已併爲一百六韻疑出自劉書

之後且韻會明言禮部韻略九千五百九十字續降  
六十三字補遺六十一字毛氏增修一千七百十字  
劉氏復增四百三十六字並不言刊去若干字今按  
王氏書止九千三百十一字是顯與劉氏判然二本  
又韻會全引劉韻增字舉以相核一屋中欸字不見  
此書而此書每韻末新添重添等一百五十九字韻  
會所據僅及一二其引韻字注語亦有異同未可謂  
劉氏襲是書也要之劉書雖不傳而韻會所引可據  
王氏書經後人重刻增易不足據爲定證安知非文  
郁後人當陰氏既并一百六部之後因刪減劉書以

成之者耶

古今韻會舉要三十卷

元刊本

此書於凡例前首題昭武黃公紹直翁編輯次題熊  
忠子中舉要卷首又載至順二年文宗敕應奉翰林  
余謙校正字尤魯狃序稱其刊正補削根據不苟則  
復經余氏重定實出三人手筆矣王山史山志謂黃  
氏韻會舉要乃以蜀王昶書林韻會本而舉其要余  
家所藏宋刻書林韻會不著撰人姓名乃以韻類典  
之書並非韻書山史所云乃出自楊升菴丹鉛總錄  
不足據也

四聲等子一卷

鈔本

不著撰人姓氏案熊氏澤民序切韻指南一書謂古有四聲等子是其書由來久矣

右韻書

鐵琴銅劍樓藏書目錄卷七終

鐵琴銅劍樓藏書目錄卷第八

常熟瞿 鏞子雍

史部一

正史類

史記集解一百三十卷

宋刊本

首行題史記集解序次行之半題裴駟二字三行卽序文序末無結銜序後又行曰五帝本紀第一又行曰史記一下注凡是徐氏義云云又行卽正文卷末曰五帝本紀第一以下卷式畧同每半葉十四行行二十四至二十七字不等注每行三十四至三十九

字不等敬竟殷匡恆字皆闕筆而禎貞字不闕仁宗以前刊本也隋唐志皆作八十卷此本仍依史記篇目與志不合然晁氏讀書志陳氏書錄解題皆作百三十卷其不從舊第已久矣此本與震澤王氏翻宋本及明監本毛本有異者今略舉之如殷本紀有炮格之法不作炮烙周本紀亦同凡見三處漢書谷永傳亦作炮格秦始皇本紀至于萬世不作千萬世毛本不誤項羽本紀籍何以生此不作至此毛本不誤呂后本紀迺陰遣穎陰侯灌嬰將兵擊之遣上不脫陰字孝文本紀淮陽守申徒嘉等十人不作屠嘉毛本不誤聞帝之代欲擊胡

擊上無往字孝景本紀安危之機豈不以謀哉王本脫謀字孝武本紀使者存問所給相連屬於道不脫相字今年豐未有報豐下無廡字蓋若獸為符下王本衍是甘泉更四字案此四字雜入晉灼注不全語乃令越巫立越祀祠安臺不作祝祠推歷者以本紀不作本統天子既令設祠具至東泰山不作其至毛本不誤十二諸侯年表周惠王四年無誅頽惠王入五字王本無入字晉惠公夷吾誅里克倍秦約夷吾下無元年二字梁好城不居民王本城誤成泓之戰楚敗公不作敗之毛本不誤定王二十一年有定王薨三字王本脫秦景公三十六

年公弟后子奔晉不作秦后子來奔晉楚昭王四年

吳三公子來奔不作吳王公子毛本不誤晉定公二十一

年趙鞅拔邯鄲王本拔誤救宋景公二十八年伐魯

不作伐晉監本作伐曹毛本不誤六國表燕釐公三十年敗齊

林狐不作林孤監本作林營魏景湣王五年秦拔我垣衍

蒲陽七字王本全脫秦楚之際月表鄉秦之楚不作

之禁梁擊殺景駒王本殺誤救漢興以來諸侯年表

韓王信元年信故韓王孫不脫信字毛本不誤徙清河二

十年是為剛王王本脫二十兩字漢高祖功臣侯年

表故城下第八格王本脫二十六三字深澤下第七

格有罪絕二字王本脫襄平下第八九格夷吳不作

夷吾陸量不作陸梁江邑下第三格十一年正月王

本正誤五須昌下第七格有五年侯不害有罪國除

九字王本全脫高陵下第三格圉侯周元年王本誤

圉侯建元以來侯者年表龍亢侯第二格以校尉摻

世樂擊南越不作樛世樂建元以來王子侯年表茲

侯下第四格元朔三年侯明坐謀反云云王本誤列

第五格禮書為之金輿鎡衡不作錯衡毛本不誤疏房牀

第几席所以養體也不脫几席二字毛本不脫情勝之為

安不作情性毛本不誤樂書徵動心而和正智不作正禮

羽動賢而和正禮不作正智律書大至君辱失守不

作窘辱案索隱徐廣云如宋襄公是當從君字自年六七十下無翁字

天官書魁海岱以東北也王本東誤惠火為旱王本

火誤水為八歲二百二十日王本八誤百辰星天欖

不作天攬毛本不誤天狗狀如奔星奔上無大字其狀無

常常出於有道之國王本少一常字星第於河戒王

本脫戒字封禪書則五岳四瀆皆并在東方王本五

誤天堂下巫先司命施摩之屬不作施糜毛本不誤置酒

壽宮神君最貴者大夫神君下不復衍壽宮神君四

字大夫不作太一卿有禮書曰不作札書其後合帶

奉祠候神物王本奉誤春祠官不主王本官誤宮平

準書黃金一斤黃上無一字毛本不誤東置滄海之郡不

作東至漢書亦作置毛本不誤欲以主鹽鐵錢不脫錢字燕召

公世家及老而以啟人為不足任天下不作任乎天

下百姓恫恐王本誤恫怨宋微子世家楚共王伐宋

之彭城不作拔宋縣而射之命曰射氏不作射天晉

世家曲沃莊伯聞晉鄂侯卒王本脫鄂字趙世家是

非先君之意而后妄誅不作而今妄誅毛本不誤魏世家

無忌歸魏率五國兵攻秦敗之河外不作河內毛本不誤

韓世家魏敗我韓舉我下無將字毛本不誤陳涉世家陳

王與之將軍印西擊秦不脫秦字毛本不脫外戚世家詩

始關雎下無書美釐降春秋譏不親迎二句此宋本脫文

徙其家之長安不作從其家毛本不誤齊悼惠王世家志

亦齊悼惠王子不作志以毛本不誤陳丞相世家陳平欲

讓勃尊位乃謝病不作病謝毛本不誤周絳侯世家許負

指其口有從理入口曰此餓死法也不作指其口曰

有從理入口此餓死法也列傳亦以伯夷居首不同

王本以老莊與伯夷同傳不可稱數也不作勝數毛本

不誤老莊申韓列傳始秦與周合合五百歲而離離七

十歲而霸王者出焉不同今本作始秦與周合而離

離五百歲而復合合七十歲而霸王者出焉高郵王氏云此

後人依周秦本紀改之也蘇秦列傳趙涉河博關王本關誤闕虞

卿列傳必且欲破趙軍王本脫趙字信陵君列傳今

邯鄲旦暮降秦而魏救不至安在公子能急人之困

也三句王本脫去李斯列傳尊王為皇帝不作尊主

監本不誤龍變而從時不作就變故吾願肆志廣欲不作

賜志監本不誤若此則可謂能責矣能下無督字季布纒

布列傳夫認壯士以資敵國不作忌項王所以遂不

能西徒以彭王居梁地與漢合從苦楚也不同王本

監本徒作徙屬上句讀高郵王氏云此與漢書項王所以不能遂西徒以彭王居

梁地與漢合從苦楚也合今本徒誤徙遂致文不成義袁盎鼂錯列傳君能日

飲無苛王本苛誤奇監本苛誤何萬石張叔列傳朝

奏事如職所奉不作所奏田叔列傳伏法而太后食

不甘味伏上無如其二字扁鵲倉公列傳臣意診脈

曰壯疝不作牡疝三處皆同韓長孺列傳智足以當世取

合不作取舍衛將軍驃騎列傳太僕賀為左將軍王

本左誤列司馬相如列傳雍容閒雅甚都王本甚誤

是而令文君當鑪王本脫當字鬱撓谿谷不作鬱撓

巖突洞房不作巖突毛本不誤廝征伯僑不作北僑驂游

道而循降兮不作馳游道而脩降兮毛本循字不誤游俠列

傳此如順風而呼不作比如監本不誤軹有儒生侍使者

坐王本侍誤待滑稽列傳巫行視小家女好者不作

人家毛本不誤貨殖列傳走死地如驚下有者字毛本不誤高郵

王氏云宋本有者字是也上文不避湯火之難下文不擇老少皆有者字太史公自序易

大傳天下一致而百慮王本脫天字舊為傳是樓藏

書卷首有尚志齋乾學徐健庵諸朱記

史記十四卷宋刊殘本

宋裴駙集解卷長六寸寬四寸每半葉十四行行二

十七至二十九字不等注每行三十一至三十四字

不等全書分一百三十卷與晁氏讀書志陳氏書錄

解題合今存第二十三卷至三十卷第一百二十卷至一百二十二卷第一百二十八卷至一百三十卷

北宋刻史記集解正義本各單行南渡後始合刻之

此本殷敬貞徵字闕筆而頊字不闕當出神宗以前

刻本注文尚全可正監本脫謔如河渠書岸善崩句

下監本脫如淳曰洛水岸六字太史公自序易大傳

句下此引張晏曰謂繫辭監本譌作正義板刻楮墨

俱極精好較耿氏蔡氏本尤為罕覯舊為汲古毛氏

藏書卷首有海虞毛表  
奏叔圖書記朱記

史記七十六卷元刊  
殘本

宋裴駙集解唐司馬貞索隱張守節正義全書一百

三十卷今存本紀四至六表一至四七至十書一至

八世家八至十二列傳二十九至七十集解索隱正

義合刻者始於宋淳熙時是本一遵其舊其十二諸

侯年表後有墨圖記云安成郡彭寅翁鼎新刊行舊

藏愛日精廬張氏

漢書一百二十卷宋刊  
本

首行高紀第一上雙行注師古曰云云空一格題班

固又空一格題漢書次行低六格題秘書監上護軍

琅邪縣開國子顏師古注三行本文後題二年九月

校書畢凡增七百四十一字損二百一十二字改正  
一千三百三字與監本首載宋景文所用參校諸本  
中之景祐刊誤本合案高紀二年六月置中地郡服  
虔注中地在扶風監本載宋祁曰注文在扶風刊誤  
改在字作右此本正作右又十二年上問醫曰疾可  
治不醫曰可治宋祁曰舊本及越本竝無不醫曰可  
治五字此本無之是景文所刊落者卽刊誤本可知  
也錢氏養新錄謂所撰漢書考異正監本之譌而與  
景祐本合者有十數處今核此本如哀紀二年春正  
月二上無元壽二字景武昭宣元成功臣表孝成五

人成都不成鄉樂成下無龍字百官公卿表宣平  
侯張歐不作寧平俞侯欒賁不作樂賁安平侯王章  
不作安年平臺侯史中不作平喜廣漢太守孫寶不  
作孫實五行志能者養以之福不倒作之以地理志  
逢山長谷渚水所出不作諸水時水東北至鉅定不  
作博水張良傳景駒自立爲楚假王在留留上無陳  
字枚乘傳凡可讀者百二十篇不作不二十篇韓安  
國傳梁成安人也不作城安韋賢傳黼衣朱紱注畫  
爲亞文不作亞人佞幸傳龍頷思侯夫人不作龍雒  
皆一一相符又王氏懷祖讀書雜志所引景祐監本

各條按之亦合每半葉十行行大字十九二十字不  
等小字廿五六七字不等宋諱惟匡允宏殷恆貞字  
闕筆餘皆不闕案趙文敏所藏宋本漢書後歸吳郡  
陸太宰完松江顧汝修鴻臚太倉王弇州尚書棄一  
莊而得之當時詫爲秘笈然相傳書中慎字有闕筆  
乃是紹興刻本此本尚出其前其足珍貴何如耶卷  
端有朱墨二筆校語乃明時毘陵周迂叟所錄宋劉  
之同刊本中語今監本所未附者亦足以資參考舊  
有墨書題託云右宋景文公以諸本參校手所是正  
並附古注之末至正癸丑三月十二日雲林倪瓚在

凝香閣謹閱又有顧廣圻手跋云顏注班書行世諸  
刻大約源於南宋槧本文句或用三劉宋子京之說  
或校刊者用意添改往往致譌而剩字尤多此以後  
人文理讀前人書之病也惟是刻乃景祐二年監本  
獨存北宋時面目惜補版及剜損處無從取正然據  
是可以求其添改之跡誠今日希世寶笈也後之讀  
者幸知而珍重之嘉慶戊午用校時本一過於讀未  
見書齋其所取正文多別記茲不論案是書嚮藏士  
禮居黃氏後歸藝芸書舍汪氏錢宮詹所云景祐本  
殆卽於士禮居見是書也

卷首有御史之章季振宜  
印滄葦汲古閣子晉祕笈

乾學徐健  
庵諸朱記

漢書一百二十卷

宋刊本

首卷首行題高紀第一上又班固漢書一次行題祕書監上護軍琅邪縣開國子顏師古注每半葉十行行十九字注二十五字至二十八字不等板心有字數刊工姓名間有大德至大延祐元統刊補板心一  
一注明明監本多脫譌以此本校之如王子侯表上畢梁侯譌作卑梁永始三年光祿勳韓勳爲右將軍脫韓勳二字元延四年北地太守谷永爲大司農原在第十一層譌列第十層是大鴻臚格矣古今人表

杞東樓公原在第五格譌列第六格衛韋譌作衛建瞽瞍象商原列第九格誤列第八格又王貢兩龔鮑傳序漢興有園公綺里季夏黃公用里先生師古注曰四皓稱號本起於此更無姓名可稱知此蓋隱居之人匿跡遠害不自標顯祕其氏族故史傳無得而詳至於後代皇甫謐圈稱之徒及諸地理書說競爲四人施安姓字自相錯互語又不經班氏不載於書諸家皆臆說今竝弃略一無取焉監本注文全脫此條賴有宋本得存顏注之全

太平路新刊漢書一百卷

元刊本

首行題高帝紀第一上下注師古曰云云下題班固漢書一次行題正議大夫行祕書少監琅邪縣開國子顏師古注前有師古敘例又余靖上言首題景祐刊誤本五字是書刊於大德乙巳歲十有二月日後有太平路儒學教授曲阜孔文聲跋云江東建康道肅政廉訪司以十七史書艱得善本從太平路學官之請徧牒九路令本路以西漢書率先俾諸路咸取而式之置局於尊經閣致工於武林三復對讀者耆儒姚和中輩十有五人重校修補者學正蔡泰亨板用二千七百七十五面云云跋後列銜名二條一爲

承務郎太平路總管府判官劉遵督工一爲中順大夫江東建康道肅政廉訪副使伯都提調其書出自景祐本故謬論尚少

後漢書一百十五卷

宋刊本

全書一百二十卷此闕帝紀三至五志一二凡五卷其目錄及首二卷志二十一至二十三列傳六十至六十二皆鈔補書末題右奉淳化五年七月二十五日勅重校定刊正下題承奉郎守將作監丞直史館賜緋魚袋臣孫何承奉郎守祕書省著作佐郎直集賢院賜緋魚袋臣趙安仁二行後列景祐元年余靖

上言書中敬徵字皆闕筆而頊字不闕當爲仁宗時刊本自列傳三十五至三十七五十四至五十九六十八至七十三多元時補版如郭太傳初太始至南州以下七十四字錢氏養新錄謂本章懷注引謝承後漢書之文溷入正文今此本尚不誤亦可見其本之善矣

後漢書一百二十卷

宋刊本

首行題帝紀第一上又范曄後漢書一次行題唐章懷太子賢注款式與漢書同後來各本多譌脫如郭泰傳云初太始至南州以下七十四字僂入正文此

本作章懷注引謝承之書又左原以下十人附書林宗傳末皆跳行此本獨否足徵舊本之善此與漢書皆愛日精廬張氏藏本

後漢書一百二十卷

元刊本

首行題光武帝紀第一上下越三格題范曄二字又越二格題後漢書一上次行題唐章懷太子賢注志三十卷題劉昭注補案志實司馬彪作漢末諸儒所傳而述於晉初劉氏自序甚明是本卷首列景祐元年九月祕書丞余靖上言末有大德九年十一月望日寧國路儒學口教授任內刊二行每卷末題張桌

王鰲叟校正其有不題者成化時補板也嘉靖間刻  
監本注經刪削此猶出自景祐本尚爲完書謬譌亦  
少

後漢書年表十卷

舊鈔本

宋熊方撰首列自序次列前後進表皆不著年月  
四庫提要卽据表中語謂爲高宗時人書凡十卷同  
姓王侯表二卷異姓諸侯表六卷百官表二卷馬班  
書皆有表而范書獨闕則是書誠不可無之作也近  
嘉定錢氏作補表於此書多所駁正然其貫穿鉤考  
精密詳審要不容沒世魁刊本此鈔尚爲工整

晉書一百三十卷音義三卷

宋刊本

題唐太宗文皇帝御撰其實史臣房喬等奉敕所纂  
中惟陸機王羲之二傳其論稱制曰餘皆稱史臣曰  
也此宋刊十行本間有元明時修板每行二十字宋  
諱匡恆桓慎構字皆減筆雖不能無脫譌處終勝後  
來監本汲古刻本如宣帝紀權果遣將呂蒙西襲羽  
公安不脫羽字惠賈皇后傳繇密欲廢后欲不譌爲  
惠羊皇后傳賈后欲廢欲不譌旣何曾傳今忠賢執  
政今不譌令其進太宰侍中如故中下不衍公字石  
崇傳春畦霍靡霍不譌藿羊祜傳乞蒙列上列不譌

例兵不踰時踰不譌喻劉卞傳其一人卿卞卿不譌  
輕楊駿傳後以后父超居重任任不譌位山濤傳不  
得有所問問不譌聞王戎傳當從古人中求耳耳不  
譌之陸機傳五等論是以分天下以厚樂則已得與  
之同憂憂不譌愛潘岳傳凡此皆客舍之益而官權  
之所乏也乏不譌之殷浩傳向使作令僕足以儀刑  
百揆儀不譌殘王羲之傳方其文義之比於石崇義  
不譌羲董京傳孔子不遇時彼感麒麟乎麟不譌麟  
董養傳天人之理既滅天不譌夫惟謝鯤傳吾不復  
得爲盛德事矣句下脫去鯤曰何爲其然但使自今

以往日忘日去耳初敦謂二十字因下葉首行起處  
亦有鯤曰二字而譌此修板之不檢也後附音義三  
卷唐天寶初何超令升撰宏農楊齊宣正衡序之宋  
史藝文志作齊宣撰者誤

晉書音義三卷

元刊本

此元刻單行本序目音義皆連接不空行板式亦精  
而多亥豕之訛不逮宋刻十行本遠甚蓋元時書肆  
本也

隋書三卷

宋刊殘本

原書八十五卷厘存第八十三至末卷每半葉十行

行十九字左線外有篇名後有無名氏志序及天聖  
二年勅其字文化及傳云智及素狂勃不同他本作  
狂悖唐時悖皆作勃韓昌黎集中亦然

隋書八十五卷

元刊本

題特進臣魏徵上志三十卷題太尉楊州都督監修  
國史上柱國趙國公臣長孫無忌等奉勅撰元至順  
間瑞州路學刻本與宋本式無異校讐無譌元刻中  
之善者汲古本於經籍志最多譌字今據是本全校  
之如志第一類中書契已傳繩木棄而不用不用誤  
一所據龍圖握鳳紀南面以君天下者咸有史官握

誤非紀誤欲南誤雨撮其旨要撮誤緘使奉朝請祖  
暉撰其名暉誤暉歸藏十三卷晉太尉參軍辭貞註  
註誤撰梁有尚書二十一卷劉叔嗣註註誤有韓詩  
翼要漢侯苞撰苞誤苟撰誤傳業書二十卷宋奉朝  
請業遵註業誤葉序子夏所創毛公及敬仲又加潤  
益益誤溢喪服釋疑二十卷孔智撰衍亡字五服圖  
儀一卷下有喪服禮圖一卷六字脫禮答問二卷卷  
誤答又答問十卷衍亡字喪然三家喪誤哀梁有晉  
給事中楊弘等注孝經弘誤泓梁有孔志十卷梁太  
尉參軍劉彼撰彼誤被五經大義三卷大誤太五經

祕表要三卷經誤卷諡法五卷梁太府卿賀瑒撰脫  
卿字從魯論二十篇爲定從誤後後漢郎中賈魴作  
滂喜篇魴誤訪少學九卷少誤小字類敘評三卷侯  
洪伯撰伯誤泊國語物名四卷後魏侯伏侯何悉陵  
撰何誤可志第二類中梁後略十卷姚勗撰勗誤最  
漢靈獻二帝紀三卷漢侍中劉芳撰芳誤艾梁有魏  
末傳并魏氏大事三卷亡三誤六史漢要集二卷漢  
誤記續帝王世紀十卷何茂林撰林誤材晉尚書儀  
十卷脫儀字司馬褰撰嘉儀注一百一十二卷褰誤  
聚高才不遇傳四卷後齊劉晝撰晝誤書李氏家謨

一卷謨誤傳范氏家傳一卷范汪撰家誤世汪誤注  
剗除舊迹剗誤刻陳祕閣圖書法書目錄一卷脫陳  
字外執六典以逆官政典誤興志第三類中老子經  
東晉江州王向述注向誤尚風俗通義三十一卷義  
誤儀新義十八卷劉廐撰廐誤際金樓子十卷十上  
衍二字五星占一卷陳卓撰亡星占二十八卷孫僧  
化等撰亡兩亡字俱脫梁有星官主贊十三卷主誤  
簿天文者所以察星辰之吉而參於政者也吉誤變  
雜曆六卷姜岌撰六誤七陰陽嫁娶圖二卷此條七  
字元刻無

案元刻有嫁娶陰陽圖二卷毛本疑誤衍

趙贊本草經一卷一

誤輕雜藏釀法法誤四偃側人經二卷秦承初撰初  
誤祖太清璇璣文七卷脫卷字志第四類中中領軍  
曹羲集五卷義誤義吳侍中張儼集一卷錄二卷二  
誤一山濤集九卷又一本十卷齊奉朝請裴津注津  
誤聿晉通事郎江偉集一卷一誤六冀州刺史王深  
集五卷深誤琛黃門郎伏衛集一卷衛誤偉晉太傅  
郭象集三卷徵士江淳集三卷三俱誤二晉通直常  
侍顧愷之集七卷梁十二卷十二誤二十任豫集六  
卷亡脫亡字袁淑集十一卷并目錄梁十卷錄一卷  
亡脫亡字宋護軍司馬孫勃集六卷司誤日梁有晉

安太守謝纂集十卷纂誤墓沈君攸集十三卷十上  
衍一十字温子昇集三十九卷昇誤昇陳沙門釋瑗  
集六卷六誤八文章始一卷姚察撰察誤蔡謝靈運  
詩集一百卷又詩集百卷并錄二卷并下衍同字齊  
讌會詩十七卷此條七字元本無古今九代歌詩七  
卷九誤歌管絃歌錄一卷脫歌字又有鼓吹清商樂  
府讌樂高禡鞞鐸等歌辭舞錄凡十部部誤卷雜誠  
七卷誠上衍家字誹諧文十卷此條五字元本無或  
一二七日而止止誤上與天竺禪師跋羅參其辯定  
共誤其其他持十地論竝爲大乘他誤地備舉之以

資考古者訂證

南史八十卷

元刊本

唐李延壽撰元大德丙午年刊本首行大名在下每半葉十行行廿二字板心有字數間有嘉靖元年修板雖刻手不工難免亥豕之訛然終有勝於他本處如謝瀟傳瀟嘗與劉悛飲悛曰謝莊兒不可云不能飲瀟曰苟得其人自可流湏干日悛甚慚案悛爲劉劬子流湏音與劉劬同瀟以悛斥其父名故引張景陽七命之文以報之是以悛慚汲古刻本譌流爲沉遂致不解所謂矣又王儉傳昇明二年爲長兼侍中

長兼者未正授之稱晉時多有此職如王績劉隗俱爲長兼侍中孔愉爲長兼中書令是也汲古本長下衍一史字豈知長史必繫本府名如司徒長史太尉長史輔國長史之類並無單稱長史者其爲校書人妄增可知他若謝瀟之瀟誤改爲淪謝微傳梁武帝餞於武德殿餞誤踐謝純傳左右引車欲還外解車誤軍謝舉傳王屢召不返召誤詔王瞻傳父猷字世倫父誤之王瑒傳瑒字子瑛瑛誤薨王瑩子實傳實衣冠傾崎王性方嚴見之意殊惡方誤劣王琨傳在任者常致巨富常誤當以字形相近而謬者不可勝

數皆可據是本以正之惟謝氏諸傳中敘及謝混或作琨或作混亦與諸本同間有誤字郡人徐元歎校過元歎名波號落木庵主明季詩人跋曰此書校正訛謬爲丁卯年今稍用筆點勘乃戊寅季秋連絡十二年矣憶丁丑暮秋先爲亡友周云治借看一徧甫掩卷而長逝中間欠葉亦此君手補楷法精謹無一筆苟且九月廿二日

北史二十七卷

宋刊殘本

亦延壽撰此南宋時刊本僅存列傳卷一至卷二十六及卷三十七楮墨精好雖間有脫字如后妃列傳

序穆光茂德以下八十一御女名內脫去五字于仲文傳嘗於雲陽宮見周文下脫去帝問曰二十四字然取與汲古本相校善處甚多如文成元皇后傳時守庫者時不誤持弘德夫人傳任生丹陽王陽不誤楊常山王遵傳長子可悉陵年十七從太武獵逐一猛獸陵遂空手搏之以獻帝曰汝才力絕人當爲國立功立事亦如此也陵遂不誤隣遂亦如不誤勿如順於別室垂涕謂周文曰垂涕不誤垂棘京兆王黎傳繼晚更貪恹繼不誤旣任城王雲傳挫抑豪強抑不誤却京兆王愉傳愉語人曰雖主上慈深不忍殺

我主上不誤主人穆崇傳合著作郎韓顯宗與真撰  
定碑文撰定不誤選定削封爲編戶卒于家于不誤  
子燕鳳傳及軍圍代圍不誤國崔浩傳今留守舊都  
分家南徙都分二字不誤是國留心於制度科律及  
經術之言術不誤律鄧彥海傳與尚書崔宏參定朝  
儀律令音樂及軍國文記詔策多是彥海所爲音樂  
及三字不誤著書長崔平傳名爲稱職爲不誤曰持  
節宣諭諭不誤論歷許貝二州貝不誤員長孫道生  
傳切責子弟弟不誤切長孫熾傳隋文帝作相帝不  
誤旁累遷太常少卿累不誤素長孫氏諸傳論翰有

父風翰不誤幹于栗磾傳好持黑稍裕望而異之裕  
不誤將弱冠拜侍御中散御不誤祚人生自有定分  
若應死王手避亦不免死不誤先與尚書李崇分使  
二道分不誤公于謹傳皇帝北面立訪道立不誤亦  
于仲文傳仲文建精兵文不誤人釋諸將獨繫仲文  
繫不誤擊宋弁傳爾如狗耳爲人所喉喉不誤喉宋  
世良傳唯送十二人餘皆放之餘不誤徐許彥傳太  
武聞之曰太武不誤文成源賀傳時后父于勁于不  
誤子盧昌衡傳後加征虜將軍加不誤君盧元聿傳  
行臺左丞丞不誤亟士邃字子淹邃不誤邃皆亡破

老病破不誤被盧柔傳大軍屢捷屢不誤屬高允傳  
與侍郎傅默傳不誤傳橈燕下崇橈不誤樵頻煩省  
闖煩不誤頻年已九十手日稍衰衰不誤襄高乾傳  
若兵以忠立立不誤亡高昂傳曹愷曰將田舍兒比  
國士曰田二字不互誤崔辯傳巨倫姑趙國李叔盾  
之妻巨不誤臣孝昌初置殷州置字不闕李公緒傳  
善圖緯之學圖不誤圍李謚傳隆冬達曙盛暑通宵  
宵不誤霄江式傳斯作倉頡篇作不誤則王劭傳時  
蜀王秀以罪廢蜀不誤屬薛孝通傳乃欲束手受制  
於人不亦鄙乎鄙不誤難裴讓之傳誹訕時政訕不

誤訕斛斯徵傳昏虐日甚虐不誤慮皆足訂今本之  
誤者也

北史

一百卷

元刊本

此元大德間刊本板心有信州路儒學刊或但云信  
州儒學每半葉十行行二十二字匡恆字皆減筆蓋  
出自宋本較明監本汲古本自勝如魏本紀一帝乃  
告諸大人爲與魏和親計四十二年遣子文帝如魏  
是歲魏景元二年也監本汲古本魏皆改晉豈知景  
元爲曹魏元帝年號時晉未受禪也此本與魏收書  
同足正諸本之誤書中虎字概作武字如畏將軍如

嘉書目録卷八  
三  
武武牢武幡之類別本俱有改易而改之不盡轉致體例不一他若涼武昭王不譌涼爲梁長城大狩不譌大狩爲太守信舊本之足貴也

舊唐書六十一卷

宋刊殘本

題劉昫等修原書二百卷今存志卷十一至十四卷廿一至廿五卷廿八至三十列傳卷十五至廿八卷三十八至四十七卷五十至六十卷七十八至八十三卷一百十五至一百十九卷一百廿九至一百三十四卷一百四十下至一百四十四上凡六十一卷卷後有右文林郎充兩浙東路提舉茶鹽司幹辦公

事蘇之勤校勘又霍文昭校勘結銜同又左從政郎紹興府錄事參軍徐俊卿校勘又張嘉賓校勘結銜同又左奉議郎充紹興府府學教授朱倬校正各條每半葉十四行行大字廿五六不等小字三十三十一不等宋諱懸朗朧挺頰敬警竟境殷匡恆禎貞徵署樹豎讓項勗桓垣洹萑完構殼碓勾等字皆闕筆而慎敦不闕刻在高宗時可知又校勘有紹興府教授朱倬名考倬因忤秦檜出爲教授是在紹興初年也明聞人詮刻本卽從此出校讎不苟今以此本覈之尚有脫譌處如志卷十四曆大衍步日躔衍第

三斗二十六條右北七宿九十八度下脫去小注虛  
分七百七十九太八字卷二十一地理廣州中都督  
府條以義寧新會二縣竝屬廣州其年又以下脫去  
義寧新會二縣立岡州令督廣韶端康封岡雜藥隴  
竇義雷循潮十四州永徽後以廣桂容邕安南府皆  
隸廣府都督統攝謂之五府節度使名嶺南五管天  
寶元年改爲南海郡乾元元年復爲廣州州內七十  
八字卷二十五輿服高山冠右內侍省內謁者及親  
王下司閤下脫去謁者若司閤五字列傳卷一百四  
十下李白傳隱於剡中下脫去旣而玄宗詔筠赴京

師筠薦之於朝遣使召之與筠俱待詔翰白二十六  
字其餘字句舛譌者尤多如志卷十一音樂文皇帝  
酌獻用崇德樂章海濂星暉濂譌濂睿宗大聖眞皇  
帝室奠獻脫眞字眞宗亞獻終獻用凱安章黃鉞誅  
羣盜鉞譌越節愍太子樂章武德諒雄雄雄譌雍  
雍卷十二曆太白晨平見條小滿初日加一千九百  
六十四分後日減六十分六十下譌衍六字求所蝕  
夜初甚末更籌刻術條更籌依所求得至甚刻加之  
依譌以卷十三檢律候術氣條小寒陟二尺二譌三  
求昏旦去中星度術條卽各其日中星宿度脫星字

求月行入交表裏術條小注三退強三進弱進譌退  
求變度率術條秋分初日六十日行二十五度六十  
下脫日字行二十度二譌五卷十四大衍步交會術  
第六求九服所在條并二率半之六而一爲夏下有  
率二率相減六一爲差置摠差六而一爲氣半氣差  
以加夏率又以廿六字譌入各字下爲每氣之上大  
衍步五星術第七推五星平合條去之不盡者返以  
減終率終譌中脫率字卷二十一地理嶺南道條廣  
州刺史充嶺南五府經略使南譌在九真日南真譌  
貞廢齊州之洵安洵譌游韶州條東南至虔州虔譌

度封州條東北至廣州九十五里脫五字東至康州  
康譌廣富州龍平條貞觀八年改爲富州以富川水  
爲名脫州以富三字賓州條天寶元年改爲安成郡  
郡譌縣澄州條平蕭銑置南方州脫南字析嶺方置  
賀水水譌永嚴州條東北至柳州柳譌郡欽州條蕭  
銑改爲欽州總管府管一州州譌府西南至陸州陸  
譌陵龍編條後漢周敞爲交陞太守周敞譌問尚卷  
二十二職官從第四品下階條上州別駕上譌尚從  
第七品下階條宣義郎義譌議正第八品下階條奚  
官小注甄官河渠弩坊甲坊脫弩字又有千舟櫂二

署令也脫舟字從第九品下階條進士明法出身甲  
第從九品上法譌經卷二十三太尉司徒司空條司  
空行埽除脫行字郎中條凡京司有常參官官譌者  
考功條以時收穫剩課剩譌成戶部郎中條凡賦役  
之制役譌人倉部郎中一員一譌二禮部郎中員外  
郎之職條致敬之式式譌士五官條五官司曆五員  
小注掌國之曆法脫掌字卷二十四尚食條女史四  
人女史二人史俱譌使兩京諸市署諸譌都國子監  
條丞掌州判監事脫判字左右千牛衛條若親射于  
射宮若譌凡通事舍人承受傳聲受譌事典內條宮

人糧廩賜與之出入糧譌衣卷二十八食貨便令有  
司條流聞奏流譌疏生人轉困轉譌輕卷三十刑法  
字民之道字譌安條流俱譌條疏收付大理京兆府  
獄付譌附列傳卷十五高士廉傳雅諳姓氏諳譌諧  
比日聽政脫日字卷十七李勣傳下帳用幔阜爲頂  
幔阜譌幔布官至梓州刺史梓譌桂卷十八尉遲敬  
德傳今二宮離阻骨肉宮譌公張公謹傳大業龍朔  
中厯位東臺舍人業譌素卷十九侯君集傳北望積  
石山石譌玉故自鞫驗耳鞫譌鞫辭萬徹傳漢輩猶  
不敢動漢譌諸劉蘭傳有都射設阿史那摸末率其

部落入居河南都譌郁卷二十岑文本傳每懷搗挹  
挹譌損卷二十二虞世南傳無不發掘譌作無有不  
發之墓李守素傳代爲山東名族山東譌東山贊曰  
文皇蕩滌刷清蒼昊譌作猗與文皇蕩滌蒼昊卷二  
十三姚思廉傳見重於二代二譌三卷二十四劉洎  
傳洎疎俊敢言俊譌峻輕願聞徹輕徹俱譌徑太宗  
征遼征譌位馬周傳但令政教無失但上衍豈欲二  
字豈惟處置在子弟而已在上衍見字其材堪宰莅  
莅譌位崔仁師傳州縣追捕支黨支譌反役功數萬  
功譌徒卷二十五孫伏伽傳官方委文吏官方譌守

成俛眉而已眉譌首皆云被擁故也擁譌壅張元素  
傳以日繼月月譌曰便卽火出便卽譌卽便苟悅耳  
日苟譌以卷二十六吳王恪傳二年遷太子太師太  
譌少卷二十七楊纂傳尚食奉御食譌含閣立德傳  
初以功藝知名功譌工柳亨傳因兄燮遇太宗燮譌  
葬流遁致遠遁誤近流遁未變遁譌波卷二十八于  
志寧傳此卽史冊具載卽譌則傳後史臣曰苟非金  
玉其度其誤貞卷三十八韋思謙傳嗣立時知政事  
事下衍府字三子孚巨濟皆知名巨譌恆下文蘇瓌  
傳亦不謝之謝譌讓卷三十九王方慶傳北從入關

痛書目錄卷八  
從譌徙方慶又舉令文文譌校卷四十朱敬則傳向  
使高皇排二子而不教教譌用豆盧欽望傳以欽望  
等不能執正正譌政張光輔傳皆有能名脫能字卷  
四十一桓彥範傳若昌宗措此占相措譌楷嘉州司  
馬周利用用譌貞竟爲周利用所殺用譌自張柬之  
傳扇動酋渠遣成朋黨遣譌遺卷四十二魏元忠傳  
觀者咸歎其臨刑而神色不撓咸譌感韋陟傳文含  
大雅含譌合郊圻資其稱固稱譌慎韋巨源傳出爲  
鄆州刺史鄆譌麟宗楚客傳結爲義故兄弟脫故字  
韋氏敗韋上衍故字卷四十四崔融傳斯道存也存

譌者卷四十五讓皇帝憲傳時諸王公卿亦言平王  
有社稷大功平譌楚卷四十六姚崇傳父善意意譌  
懿山東百姓豈擬餓殺擬譌宜雖終匪懈而諸務多  
闕務譌書仍更辱先仍譌乃宋璟傳廣州舊俗皆以  
竹茅爲屋俗譌族卷四十七張說傳麟臺監張易之  
麟譌臨舉韋見素代代譌伐下衍相字卷五十蘇珣  
傳晉及齊幹遞於京都知選事幹譌澣爲營婚宦宦  
譌官王志愔傳所以明真諦真譌貞折人以法折譌  
析醫人僕夫何功之有醫人譌人醫睿哲登宸宸譌  
圖盧從愿傳爲天下第一降璽書一下衍等字脫降

字李朝隱傳願寬暴市之刑市譌布卷五十一韋湊  
 傳昆蚊無數蚊譌重王求禮傳則臘月雷亦瑞雷矣  
 矣譌也卷五十二吳兢傳歷衛尉少卿左庶子左譌  
 右封襄垣縣子襄譌長卷五十三王君奭傳渾大得  
 長流吉州得譌德王忠嗣傳敢以衷告衷譌哀卷五  
 十五韋堅傳白衣缺膀自譌白楊慎矜傳公清如一  
 二十一年九十二十一三字作空格西莊王氏曰二  
 重一年字謂開元二十一年也下云慎矜丁父憂二  
 十六年服闋則崇禮卒於開元二十四年其致仕當  
 在二十一年也何不惜我少體弱耶惜譌使王鉷傳時右相  
 李林甫護前用事護前譌怙權卷五十六楊國忠傳

太真妃卽國忠從祖妹也真譌貞卷五十七永王璘  
 傳廣琛以步卒六千趨廣陵干譌十銑等奔救張翼  
 擊之翼上衍左右二字卷五十九馮盎傳二州賊帥  
 高法澄沈寶徹沈譌洗莢苾何力傳會層冰大合趣  
 卽渡兵趣譌趨白孝德傳觀其攬跂便辟跂譌轡卷  
 六十李光弼傳子儀薦光弼堪當閩寄當譌為躬率  
 士卒百姓外城掘壕以自固脫墜數十萬百姓下衍  
 於字外城下衍作字脫譌作望旗俱進俱譌而卷七  
 十八段秀實傳私室無妓媵媵譌媵顏真卿傳乃上  
 議請取初謚為定今日今日二字作空格杞瞿然而

拜而譌下卷七十九韓滉傳洄上言江淮錢監錢譌  
七卷八十一李臯傳會與賊夾江爲軍軍譌陣卷八  
十二盧從史傳遊澤潞軍軍譌間卷八十三李晟傳  
十一年服闋一譌二卷一百十五柳公綽傳公綽使  
牙將祖孝恭單馬勞問孝譌考溫造傳乃宣聖旨旨  
譌言殷侑傳宜任朝之耆德任譌在卷一百十六元  
稹傳豈不大哀哉耶哉譌也予始與樂天同祕書之  
後之譌前卷一百十七段文昌傳章臯在蜀表授校  
書郎脫書字卷一百十八錢徽傳改司封郎中賜緋  
魚袋內職如故脫內字充鳳翔節度副使脫副字卷

一百十九李訓傳兩省諫官伏閣切諫官譌言史臣  
曰蓋任得其術任譌在卷一百二十九孔緯傳幽州  
汴州請討太原討譌封卷一百三十李載義傳李同  
捷據滄景捷譌捷下同張仲武傳相次獻捷捷亦譌  
捷貶彬州司馬彬譌柳卷一百三十一羅宏信傳宏  
信少從戎役宏譌從卷一百三十三武延秀傳猶以  
武氏爲念氏譌臣吳湊傳買物於市倚勢強賈賈譌  
買卷一百三十四高力士傳朱光輝光譌文兩京作  
斤買斤譌芹程元振傳至彼捉溺溺譌拘魚朝恩傳  
以必允爲度必譌先雉經而卒雉譌自楊復恭傳李

克用率師渡河討邠岐二帥邠譌汾卷一百四十下  
元德秀傳士大夫高其行士譌上杜甫傳寓居耒陽  
耒譌來緝拾選練譌揀唐扶傳瘳死獄中瘳譌瘳  
次弟歡款欣次下衍第字脫歡字劉蕡傳宮闈將變  
闈譌闕威懾朝廷懾譌攝征伐必自於諸侯征譌攻  
陛下何忽而不用之耶忽譌思卽不幸因之以疾癘  
癘譌厲臣前所謂國廩罕蓄脫國字或犯禁於南犯  
譌禮可以保又邦家脫又字温庭筠傳狂遊狹邪邪  
譌愈方還揚州還譌遷李拯傳拯譌極司空圖傳本  
臨淮人淮譌淄曾祖燧燧譌遂疑益知重益譌器咄

諾休休休諾譌語燦流緗素緗譌細卷一百四十一  
崔善爲傳惡其聽察聽譌聰甄權傳明堂人形圖各  
一卷下衍弟字孫思邈傳一覺一寐寐譌寢天地亦  
如之如譌知有如目覩覩譌觀張憬藏傳相人之妙  
脫人字張文仲傳庸醫不達藥之行行譌性張果傳  
遊外方之者也脫之字當作遊方之外者也僧神秀傳吾度人  
多矣人多譌多人吾形貌矬陋矬譌短僧一行傳至  
天台山國清寺清譌濟卷一百四十二王友貞傳味  
茲禪悅譌作惟悅於網禪味盧鴻一傳遣備禮再徵  
遣譌遣備譌幣王守慎傳詞理甚高高譌當孫處元

傳頗善屬文文譌聞潘師正傳嶺上別起精思院以處之上譌山院譌觀孔述睿傳嘗恂恂似不能言者似上衍然字陽城傳遣中官持章服而後召召譌詔客或時先醉仆席上仆譌卧客稱某物佳某譌其每年常配鄉戶貢其男貢譌竟以二字城不平其以良爲賤不平其譌下車禁卷一百四十三于敏直妻張氏傳皖城公儉之女也皖譌皖父母微有疾微譌權樊彥琛妻魏氏傳苟復偷生今復見逼管絃二復字俱譌爾原武衛盧甫妻李氏傳原譌順時曹昇任徐州刺史昇任譌任在逼之以刀刀譌罵裴堅罵抗之

罵譌刀標難奪之節標譌操宜膺贈飾飾譌律李湍妻傳乃急渡激河激譌激女道士李元貞傳孤露家貧露譌孀任耐塋卜葬任譌在塋下衍次字仍令京兆府接借借譌措孝女王和子傳先許適驍勇牙官李元慶驍譌馳卷一百四十四突厥傳又匈奴一敗虜譌奴又喪師旅旅譌旆隋家豎立豎譌翌反爲隋家之患反譌乃右驍衛郎將高備備譌保車鼻未敗前敗譌敢突厥又迎頡利兄之子又譌有以其弟默啜爲殺咄殺譌設領十八將軍以討之入譌大盡獲其家口脫口字又索此降戶此譌世靜難軍使左玉

欽衛將軍慕容元翦玉鈐譌正鋒翦譌山則究識夷  
險險譌陷人皆習武人譌又噉欲谷迴兵因出赤亭  
以掠兵下衍而字小臣旣斯達干旣譌飲其間亦有  
宋本譌而明刻實校正者亦有臆改而譌者今略舉  
其勝於明刻者以存宋本之真雖殘珪斷璧亦可寶  
貴册首間有朱文正書長方印曰紹興府鎮越堂官  
書考鎮越堂在紹興府署蓬萊閣之下宋嘉定辛巳  
建當是宋時鈐記也

舊唐書二百卷

明刊本

題監修國史推誠守節保運功臣特進守司空兼門

下侍郎同中書門下平章事上柱國譙國公食邑五  
千戶食實封四百戶臣劉昫等奉勅修有聞人詮楊  
循吉文徵明序此本舊藏稽瑞樓陳氏傳錄葉石君  
校本目錄後有題記云辛丑歲三月十九日借得錢  
遵王所藏至樂樓鈔本校起至九月初五日畢功葉  
萬記

唐書三卷

宋刊殘本

此嘉祐刻本每半葉十行行十九字板印楮墨甚精  
惜塵存曆志十七卷下十八上下兩卷其策實一十  
一萬三百四十三一條不同他本作一十三萬與舊

史志合又注文凡四分一爲少凡爲大不作分爲大  
潛研錢氏嘗以意校正諸本之誤暗與宋本合舊爲

汲古閣藏書

卷首有毛裱  
華伯二朱記

唐書二百二十五卷

宋刊本

本紀表志題翰林學士兼龍圖閣朝散大夫給事中  
知制誥充史館修撰判祕閣臣歐陽修奉敕撰列傳  
題端明殿學士兼翰林侍讀學士龍圖閣學士朝請  
大夫守尚書吏部侍郎充集賢殿修撰臣宋祁奉敕  
撰每半葉十行行十九字首行大名在下前有曾公  
亮進書表卷末列修史官銜名刊修官爲宋與歐編

修官爲劉義爰呂夏卿宋敏求王□范鎮提舉爲曾

公亮校對校勘爲吳申文同陳薦裴煜諸人內多元

時補版是本舊藏毛氏汲古刻本殆所自出而校讎

未善舛誤殊多如文宗本紀大和元年監本汲古本

俱作太和則與魏晉後魏年號雷同潛研錢氏嘗据

唐石刻辨新舊史之失豈知宋本原不誤也又曆志

策實百一十一萬三百四十三不作一十三萬小注

凡四分一爲少凡爲大不作分爲大地理志巖州常

樂郡不作長樂足訂諸本之誤信舊本之可貴也

卷中

有東吳毛晉及毛表印  
信毛奏叔氏諸朱記

五代史記七十四卷

宋刊本

題歐陽修撰徐無黨注每半葉十行行十八字匡徽

貞字皆減筆板式甚工舊爲汲古閣藏書毛氏刻本

卽從此出

卷首有毛鳳苞印子晉氏毛表奏叔建安楊氏傳家圖書諸朱記

五代史記七十四卷

元刊本

此元時宗文書院刻本明萬曆間余有丁校刻南雍本卽從此出義門何氏謂勝於汲古本也有陳師錫序

宋史四百九十六卷

明刊本

題開府儀同三司上柱國錄軍國重事前中書右丞

相監修國史領經筵事都總裁臣脫脫等奉勅修前有阿圖魯等進書表及咨浙江等處行中書省刊板劄與修史官銜名案此書雖成於元而藏諸內府未列學官海內稀有其本明成化間廣督桂陽朱英得鈔本於漳浦陳布政爲序而刊之經始於成化辛卯十月刻成於庚子四月凡本紀四十七志一百六十二表三十二列傳二百五十五開卷首行大名在下猶仍舊式是本舊爲邑中錢氏藏書卷首記云歲庚寅四月朔日閱始其弟一百七十九卷後記云十月初二夜半野堂火時方雷電交作大雨傾盆後樓前

堂片刻煨燼乃異災也絳雲一炬藏書無遺殆即其  
時此書方校閱故幸而獲留也

卷首有牧翁朱記

遼史一百十六卷

元刊本

題名與宋史同前有至正三年修史詔旨及三史凡  
例史官銜名進書表此元刻十行本行廿二字明監  
本脫譌甚多不逮是本也

金史一百三十五卷

元刊本

題名亦與宋史同前有進書表及史官銜名中書省  
令錢梓印造咨文此元至正間杭州路刊本每半葉  
十行行二十二字明監本卷三十三及卷七十八俱

有闕文此本尚全

鐵琴銅劍樓藏書目錄卷八終

鐵琴銅劍樓藏書目錄卷第九

常熟瞿 鏞子雍

史部二

編年類

漢紀三十卷 影鈔 宋本

首行題曰漢紀目錄越數格曰荀氏以後低一格列

漢帝目次接自序一篇畢即接本書首標高祖第一

越二格曰漢紀又越數格曰荀氏末有右通直郎時

添差充紹興府會稽縣丞莊革校正一行每半葉十

三行行廿四字當是從紹興間錢唐刻本影寫者案

此書祥符天聖中皆有刊本昔人每謂不若紹興本之善明黃姬水亦得宋本以刊相較則此本為勝如高祖紀武臣自號為武信君黃刻誤君為軍今卒少情矣誤率為年別將梅鎬功多封萬戶侯誤萬為舊漢即挑戰慎勿與戰勿令得東而已脫下勿字吾乃今日知為皇帝之貴拜通為奉常誤奉為泰皆足訂正舊為崑山葉氏藏書

卷首有葉氏棗竹堂藏書園朱記

元經薛氏傳十卷

明刊本

此書舊稱隋王通撰唐薛收傳宋阮逸注晁氏讀書志陳氏書錄皆謂其即出阮逸依託桐城姚氏謂文

獻通考載有十五卷今止十卷自魏太和以後數十年不書一事已非阮氏偽本全書矣此本失去序跋

當刻自成弘間舊為葉文莊公所藏

卷首有葉氏棗竹堂藏書朱記

通曆十五卷

影鈔宋本

晁氏讀書志云通曆十卷唐馬總撰續通曆十卷荆南孫光憲撰宋太祖以孫書所紀非實詔毀其書故直齋書目中輿館閣書曰玉海皆十五卷孫書僅存五卷已經後人刪併矣此本雖有十五卷之數而一卷至三卷文皆不類首題史臣李燾著顯出偽託故三國首蜀而末亦無論略其四卷至十卷起西晉迄

隋有總案語論著允當與玉海所云合則爲馬氏原本無疑十一至十五卷多載黃巢李茂貞劉守光阿保機吳越兩蜀事迹且及符瑞夢兆神怪等說與讀書志所云合則孫氏所續之本也書中殷敬字皆減筆蓋猶依宋刻殘本所鈔

資治通鑑二百九十四卷

宋刊本

此書原闕廿五卷又十九葉鈔補全卷一至卷八題朝散大夫右諫議大夫權御史中丞充理檢使上護軍賜紫金魚袋臣司馬光奉敕編集其卷九以下題銜較多曰翰林學士朝散大夫右諫議大夫知制誥

兼侍講同提舉萬壽觀公事兼判集賢院上護軍河內郡開國侯食邑一千三百戶賜紫金魚袋臣司馬光奉敕編集第四行低三格題某朝紀小字注曰起某某盡某某凡幾年用太歲名第五行低五格題某王帝第六行本文目錄系卷後日後有元豐七年十一月溫公進書表結銜與前題名異曰端明殿學士兼翰林侍讀學士太中大夫提舉西京嵩山崇福宮上柱國河內郡開國公食邑二千六百戶食實封壹阡戶蓋前所題者英宗時結銜也同修者劉攽劉恕范祖禹檢閱文字者司馬康俱署銜表後有獎諭詔

書又元豐八年九月十七日准尚書省劄子奉聖旨  
重行校定元祐元年十月四日奉聖旨下杭州鏤板  
校對者爲張耒晁補之宋匪躬盛次仲校定者爲張  
舜民孔武仲黃庭堅劉安世司馬康范祖禹主校者  
爲呂大防李清臣呂公著俱署銜以左爲上又紹興  
二年七月初一日兩浙東路提舉茶鹽司公使庫下  
紹興府餘姚縣刊板紹興三年十二月二十日畢工  
印造進入列主管本司文字兼造帳官及提舉茶鹽  
司邊知白常任佚強公徹石公憲韓協王然六人銜  
校勘監視者列嵎縣進士婁諤茹贊廷唐奕婁時升

婁時敏石表茹升王愈張綱等興國縣主簿唐自餘  
姚縣進士葉汝士杜邦彥錢移哲陸寔顧大冶呂克  
勤張彥衡朱國輔杜紱孫彬等又餘姚主簿王綱嵎  
縣尉薛鏗嵎縣丞桂祐之紹興府學教授晏肅餘姚  
縣丞馮榮叔晏敦臨知嵎縣范仲將知餘姚縣徐端  
禮鎮東節度判官張九成諸人此本似卽紹興時所  
刻然書中慎敦郭字皆闕筆疑出寧宗時修板印行  
也每半葉十一行行廿一字板刻清朗楮墨如新允

爲宋刻致佳本舊藏郡中汪氏

卷中有敬德堂圖書  
印桂堂王氏季積圖

籍趙子印  
氏諸朱記

資治通鑑三卷

宋刊  
殘本

存魏紀六七兩卷唐紀二十六一卷每卷首無題銜  
字紀年下注干支二小字間附音義於本文每半葉  
十一行行十九字案胡景參釋文辨誤附載海陵本  
費本各條核此本音義知卽爲蜀廣都費氏進修堂  
板刻世所謂龍爪本是也音義與史本微有不同魏  
紀中闕字史作苦濫切此作苦浪頤字史作渠希切  
此作渠斤史爲不誤曹爽挾彈到後園中注彈徒案  
切挾弓以行園史本園作也字則似此本爲優

資治通鑑七十七卷

宋刊  
殘本

存卷四至二十四卷六十七至八十七卷一百五十  
九至一百八十五卷二百三十五至二百五十七卷  
每半葉十一行行二十一字貞桓字減筆舊藏邑中

錢氏

有錢後人文石  
朱象元氏朱記

資治通鑑二百九十四卷

元刊  
本

題朝散大夫右諫議大夫權御史中丞充理檢使上  
護軍賜紫金魚袋臣司馬光奉敕編集後學天台胡  
三省音注此元時興文署刻本案至元二十七年正  
月立興文署召集良工刊刻諸經子史板本以通鑑  
爲起端是官刻善本也後有溫公進書表元豐七年

獎諭詔書元祐元年奉旨下杭州鏤板校定諸人銜  
名紹興二年兩浙東路提舉茶鹽司公使庫不紹興  
府餘姚縣刊板校勘監視諸人銜名前有胡三省音  
注自序舊藏郡中文氏邑中嚴氏皆有題識文氏曰  
丁亥年九月玉磬山房閱又曰萬曆丁酉歲十二月  
廿又三日看畢老人心力衰減涉獵而已彊記則不  
能也清涼居士記又曰家中書籍散亡此書幸存老  
年無事時一觀覽遂至再四然心神耗減不能記憶  
障目而已萬曆辛丑四月朔日湘南老人記時年七  
十有三又曰此書向在亨弟所天啟丙寅閏六月偶

念祖父手澤思欲一觀因以師古齋所刻一部易之  
藏於石經堂三世藏書家不多有遺書能讀乃足貴  
耳二十五日乙丑震孟謹記又嚴氏曰此本爲文氏  
藏書自衡山先生至文肅公俱有題識病中無聊命  
筆點一過賦性魯鈍掩卷卽忘殊可恨也丙辰十月  
十六日嚴虞惇記又曰此爲文氏藏書先大人得之  
以授小子者也先世藏書一無所存惟此猶爲故物  
故自里門攜至京師時一展玩但應酬牽率不能專  
力大概涉獵而已虞惇記時戊寅八月二十日又曰  
虞惇年十三先君子白雲先生卽命讀資治通鑑因

用徐氏坊本點閱一過後復校此書歷年動筆圈點  
作輟不恆去歲謫官索居無事遂得終閱嚴虞惇再  
記時辛巳二月十八日又曰先君子於此書凡經六  
七閱歲久紙畫零落不堪展讀雍正庚戌命工重裝  
補綴成帙庶可傳之家塾此書自文氏衡山先生歷  
文肅公凡口世先王父中憲公為文肅外孫故幼時  
即受而卒業繼以授先君子逮予小子亦經三世歷  
年二百有餘前賢之遺蹟未渝先人之手澤宛在子  
孫其永保之哉塗謹志

卷末有玉蘭堂圖書記石經堂印世綸堂印嚴虞惇讀書

朱記

呂大著點校標抹增節備註資治通鑑七十三卷

朱刊殘本

此宋麻沙本原書一百二十卷今闕卷一至八卷十  
四至十六卷三十至三十八卷四十五至五十三卷  
九十一至九十四卷一百七至一百二十凡四十七  
卷其前十二卷為通鑑君臣事要總記皆分類摘事  
以便行文撫拾亦當時習科舉之書也每半葉十五  
行行二十六字匡殷慎桓字減筆諸家書目不載惟  
見千頃堂書目

資治通鑑釋文三十卷

影鈔宋本

題右宣義郎監成都糧料院史炤撰案宋時史炤有

二八一眉山字見可咸淳中官利路統制見度宗  
紀卽作釋文者一穎昌人嘉祐中提舉常平乃文彥  
博嘗從受學者也馮時行序此書謂其精索而粗用  
深探而約見積十年成書自胡景參作辨誤而史書  
遂微近代諸家匙著錄者乾隆間吳中藏書家始購  
得宋刻本潛研錢氏謂景參長於地理見可精於小  
學二書不可偏廢至謂史本范睢之睢作千餘切而  
胡改音雖李芄之芄作蒲紅切而胡改居包翻使睢  
睢莫別芄芄互淆直以不狂爲狂是又代見可作辨  
誤以還相報復矣

通鑑釋文辨誤十二卷

元刊本

元胡三省撰專辨史氏釋文地理之誤凡已見音注  
者不載自序極辨海陵本公休注之爲僞託謂其蹈  
襲史釋至以烏桓爲烏元宋諱欽宗名桓公休以溫  
公薨而毀卒不得豫爲欽宗諱然公休本刻於海陵  
郡齋已在靖康後諱桓爲元或刻時改之未可遽以  
致疑司馬攸編通鑑前例自序有欲與音釋竝行一  
語攸卽公休之孫不當有誤迺謂攸未傳家學而爲  
妄人所誤亦出臆斷况直齋書目明載公休釋文二  
十卷又謂史因公休舊注而附益之伯玉與見可其

時相距不遠當非無據若謂序中未嘗言及祖述公  
休此序出他人手非若自序之不當諱言也

資治通鑑考異三十卷

明刊本

題端明殿學士兼翰林侍讀學士太中大夫提舉西  
京嵩山崇福宮上柱國河內郡開國公食邑二千六  
百戶食實封一千戶臣司馬光奉勅編集前有提督  
浙江學校按察副使河汾孔天允題記謂嘉靖甲辰  
六月開局校刻資治通鑑明歲春三月完其書另考  
異三十卷俱從唐太史家宋板文字

卷首有嘉禾  
施袞朱記

通鑑釋例一卷

舊鈔本

宋司馬光撰此書南渡後遺藁脫落先後無序溫公  
曾孫伋掇取分類爲三十六例中有文全而字闕者  
仍闕之今本字無闕文增刻與范祖禹論修書帖二  
通此猶原本也有乾道丙戌司馬伋後跋

通鑑外紀詳節十卷

宋刊本

題祕書丞劉恕編集前有通鑑御製序溫公進書表  
獎諭詔書司馬伋通鑑前例後序後有恕自序每半  
葉十四行行廿五字殷讓貞樹恆桓完慎字闕筆卷  
數尚仍原書惟目錄五卷年經事緯上列朔閏天象  
下列卷數者皆不載其餘亦多刪節以出宋人手筆

故購藏之卷首有橫經閣收藏圖籍印末有華亭朱氏朱文石史諸朱記

中興小紀四十卷鈔本

宋熊克撰排次南渡以後事蹟始建炎丁未終紹興壬午宋史藝文志作四十卷陳氏書錄解題作四十一卷是書前列四庫提要云原書篇第為編纂者所合併舊目已不可尋今約略年月依宋史所載原數仍勒為四十卷蓋從四庫本傳錄者也

歷代紀年十卷

宋刊本

宋晁公邁撰案陳氏書錄云公邁字伯咎詠之之子嘗官提舉司者所紀歷代年號首正統自唐虞迄北

宋為七卷次封建國號一卷次僭據附藩鎮一卷次盜賊外夷及見道家書者又總錄年號以終焉末附國朝典禮數葉載宋祖至淵聖樂舞宮殿名及郊會拜陵幸學大赦德音若而次終以祖宗神御在京者原注云元稿附見逐朝冊葉界行外今存卷末其正統每帝紀年下并載皇后帝子在朝職官若而人後李季永十朝綱要即仿其例也其紀年號夏諒祚有廣禧清平二號與玉海合可補宋史之闕天顯屬遼太宗不屬太祖遼道宗有壽昌無壽隆與東都事略玉海通考等合可訂遼史之譌是書刊於紹熙壬子

後有淳熙乙未晁子綺記及包履常跋書錄外惟見  
錢遵王讀書記此卽述古堂藏本當時首卷已亡無  
從鈔補矣

卷首有平江黃氏藏書朱記

續資治通鑑長編一百八卷

影鈔宋本

宋李燾撰案文簡此書累次編成隆興元年先編十七卷奏上乾道四年成一百八卷自太祖建隆元年始至英宗治平四年止迨淳熙元年編成九百八十一卷又爲舉要六十八卷總目五卷遂爲完書此則乾道奏進之本前有表文一篇宋時有刻本依之傳錄每半葉十三行行廿三字海寧吳氏藏本中有校字

槎客筆也

卷首有竹垞藏本兔牀經眼朱記

續宋編年資治通鑑十八卷

元刊本

題朝散郎尚書禮部員外郎兼國史院編修官李燾經進前列進通鑑長編表一篇日後有武夷主奉劉深源校定一行蓋元時刻書人也案文簡惟不敢續通鑑故曰續通鑑長編此書紀太祖至欽宗事蹟皆疎略其出後人僞撰可知

資治通鑑綱目五十九卷

宋刊本

宋朱子撰不題名前列治平四年御製通鑑序獎諭詔書司馬溫公進書表與范夢得論修書帖通鑑目

錄序舉要補遺序朱子自作序例目錄後有武夷詹  
光祖重刊於月崖書堂一行卷一與卷五十九後俱  
有建安宋慈惠父校勘一行張月霄氏謂惠父即編  
提刑洗冤集錄者為淳祐間人遂定為淳祐刊本是  
書即月霄所藏也每半葉十行行十六字日用雙行  
行廿二字匡恒貞偵朗桓完構慎字皆闕筆字畫清  
朗楮印如新與所藏資治通鑑本相似可謂雙璧矣  
卷首有御史之章季振宜印滄葦  
乾學徐健庵天官冢宰諸朱記

資治通鑑綱目五十九卷

元刊本

是本板印精好不減宋刻惜原序已失舊為楊五川

萬卷樓藏書

卷首有楊夢  
羽氏朱記

大事記十二卷通釋三卷解題十二卷

舊鈔本

宋呂祖謙撰案成公自序謂作於淳熙七年又二年  
即歿故序云起春秋迄五代卒未成書僅至漢武帝  
征和三年而止成公長於史學朱子最稱此書謂其  
精密門人不敢贊一辭故無人續成之至明王氏禕  
始有續編行世然未能饜讀者之意也

綱目分注發微十卷

鈔本

題從政郎安吉州安定書院山長劉國器撰自序謂  
溫公書因舊史以紀事使觀者自擇其善惡得失以

爲勸戒朱子則言必證其事事必驗其實理雖莫要於綱而尤詳於目故大書以提要分注以備言刊落浮辭約歸至理因以己意闡明其故洵足推見朱子作書之微旨矣諸家書目俱不載惟見文淵閣書目此由叢書堂本傳錄

資治通鑑綱目集覽五十九卷

元刊本

元王幼學撰案幼學字行卿望江人學宗程朱至元間躬耕慈河之坂與學者講道不輟人稱慈湖先生自序謂編始於大德己亥迄延祐戊午積二十年七易稿而成後來陳濟有集覽正誤瞿佑有集覽鐫誤

糾正頗多弘治間莆田黃治中取其書與尹氏發明劉氏書法徐氏考證陳氏正誤馮氏質實汪氏考異散入綱目各條下而是書遂無專刻矣此猶初刻原本有朱子原序幼學自序序後有墨圖記八分書二行云歲在上章敦牂孟夏魏氏仁實書堂新刊

編年通載四卷

影宋殘本

題起居舍人直集賢院同知審官西院事兼判史館臣章衡上進前有元祐三年建安章棗序衡進書表原書始帝堯迄宋治平丁未今存者止於吳太康庚子明內閣藏書目錄載二冊云第五卷以下皆闕是

明時已不全矣案晁陳兩家書目及焦氏經籍志俱載有十五卷惟通志略則云十卷此本原序亦云十卷是十五卷之說未可信也

皇宋十朝綱要二十五卷

舊鈔本

宋眉山李塹編案塹字季永文簡公燾次子紹熙元年進士理宗朝歷官同知樞密使四川宣撫使文簡五子壁與塹尤以文學知名蜀人以比三蘇壁有雁河集荆公詩注塹僅傳此書紀太祖至高宗朝事蹟每一帝必首紀年號及皇后皇子公主若而人宰相參知政事樞密使副使使相三司使學士舍人院御

史中丞及每年取進士若而人復紀外改廢置州府等而以誕節神御殿終焉以下案年月逐條紀錄凡朝政大事畢載雖采摭從略亦有出於文簡所撰長編之外者可資攷證諸家書目匙有著錄屢見玉海文淵閣書目焦氏經籍志中陳平甫皇朝編年備要引用書目亦列之惟敘銜爲左史與塹官秩不合豈文簡子屋嘗領實錄事故采纂成編後橐本流傳屋塹字形相近遂誤以爲塹作耶

皇朝編年備要二十五卷補刊編年備要五卷

影鈔宋本

題壺山陳均撰紀太祖至欽宗事平甫爲丞相正獻

公從孫侍從之下獲睹國史及先儒諸書博攷互訂  
輯香成編皇朝或作九朝陳氏書錄亦作皇朝并列  
舉要三十卷或疑舉要已佚案伯玉云舉要爲綱備  
要爲目似當時分爲二書各編三十卷今綱目並列  
出後人合并此本每卷標題編年下空二格實卽舉  
要二字可證其未亡也況眞文忠序稱書名曰舉要  
備要是非二書明矣伯玉譏其去取無法詳略失中  
國朝小長蘆叟則謂其簡而有要勝於陳子經薛  
方山之書潛研錢氏謂書成南渡之世故老舊聞未  
盡散失有可補正史之闕者至其書雖依朱子綱目

大書分注之例而以宋人紀宋事但據事直書不爲  
褒貶之詞自序中亦及之錢氏議其唐主景北漢主  
鈞同爲敵國而鈞書卒景書死同一高麗王而徽與  
運書卒容與俛書死爲義例乖刺竊意平甫未嘗寓  
褒貶於一字偶爾紀載參差不足爲病也此本鈔手  
甚舊宋諱字多闕筆每半葉八行分注用小字雙行  
每行大字十六小字廿三當爲明時印寫宋本

中興兩朝編年綱目十八卷

影鈔  
宋本

是書不著撰人名氏亦無序跋紀南宋高孝兩朝事  
始建炎元年終淳熙十七年大書分注體例與陳平

甫編年備要同平甫又有中興編年舉要備要十四卷或即其書後人更其名耳向來藏書家俱未著錄唯見文淵閣書目

續編兩朝綱目備要十六卷

影鈔宋本

亦不著撰人名氏紀光宗寧宗兩朝事體例與中興兩朝編年同故曰續編書中昀字注御名當出理宗時人所作疑亦平甫之書平甫於端平初始得官也諸家書目皆未著錄世所傳者出自永樂大典此猶原本也以上三種款式相同迺宋時合刻本明人影寫者嚮藏邑中張氏

卷首有愛日精廬藏書朱記

續宋中興編年資治通鑑十五卷

元刊本

題通直郎戶部架閣國史實錄院檢討兼編修官劉時舉撰卷首題宋時職名而書中有元太祖爲成吉思皇帝一語是入元後所作矣始高宗建炎元年迄寧宗嘉定十七年敘述有體要秀水朱氏謂其條理勝王宗沐薛應旂之書上方有提要及中所錄議論低一字別之者乃刊書人附入非劉氏原書也目錄後有陳氏餘慶堂刊一行舊爲吳方山藏書

卷首有吳岫朱記

宋季三朝政要六卷

元刊本

不著撰人名氏卷首題云理宗國史載之過北無復  
可考今將理度兩朝聖政及幼主本末纂集成書以  
備他日史館之採擇云蓋宋之遺民所作多載宋末  
軼事可補正史之闕目錄後有墨圖記云至治癸亥  
張氏新刊舊爲邑中吳氏藏書

卷首有吳卓信  
印項儒二朱記

宋史全文續資治通鑑三十六卷附宋季朝事實二卷

元刊

本

不著撰人姓氏卷首題豐城游明大昇校正無序跋  
首冠以乾道四年李燾進續資治通鑑長編表一篇  
又宋朝玉裔宋朝傳授二圖目錄前有刊書人題識

一則云宋史通鑑一書見刊行者節略太甚讀者不  
無遺恨焉本堂今得善本乃名公所編者前宋已盛  
行於世今再綉諸梓與天下士大夫共之云云似三  
十六卷爲元人重刻宋本其實靖康以前卽取諸李  
燾長編高孝二代取諸留政中興聖政草及無名氏  
中興兩朝編年綱目光寧二代取諸劉時舉續宋中  
興編年資治通鑑惟後載度宗少帝益王廣王事蹟  
別名宋季朝事實者則爲元人專輯書肆題語謂前  
宋已盛行者似不足信至宋牧仲謂卽胡宏續通鑑  
長編一書亦未知其何據也

卷首有墨香  
閣圖書朱記

通鑑續編二十四卷

元刊本

元陳桎撰前有張紳姜漸序又陳氏自序謂余讀歷代史輯事之大者爲筆記百卷乃取盤古至高辛爲通鑑世編一卷唐天復至周亡遼夏初事爲通鑑外編一卷宋有國至元爲通鑑新編廿二卷總之爲廿四卷合名曰通鑑續編其於宋自建隆至太平興國四年但書甲子其四年平北漢後方繫正統以比漢唐遼金繫年宋統之下以比吳魏卽本朱子語錄大書分注例曰續通鑑實續綱目也明成化間詔商輅等續修綱目雖有刪訂實卽襲用之

紀事本末類

通鑑紀事本末四十二卷

宋刊本

題建安袁樞編是書初刻於淳熙乙未爲嚴陵小字本編二百九十卷此大字本迺趙節齋與篋重併卷第刻於寶祐五年後延祐六年節齋之孫明安寘之嘉禾學宮遞有修板此猶元時印本也每半葉十  
一行行十九字板心有字數及梓人姓名書中遇宋  
諱字皆減筆前有淳熙元年楊萬里序寶祐丁巳趙  
與篋序延祐六年陳良弼序

三朝北盟會編二百五十卷

舊鈔本

題朝散大夫充荆湖北路安撫司參議官賜緋魚袋  
臣徐夢莘編集并序凡紀宋金通和用兵之事始政  
和七年迄紹興三十一年所引書目多至二百餘種  
可謂搜采無遺矣世無刊本傳鈔者率多謬譌脫落  
惟泰興季氏藏本尚爲舊帙友人邵君恩多據以校  
過有跋曰北盟會編世無刊本惟季滄葦家鈔藏本  
每葉有何子宣騎縫圖記者最爲近古向藏蘇氏今  
爲張君子謙所有向其借得屬余參校凡譌謬脫略  
悉爲訂正可稱完善

袁氏通鑑紀事本末撮要八卷

影鈔  
宋本

題建安袁樞機仲編建安蔡文子行之撮其書卽取  
袁氏標題而略舉其事之大要每題下注明起某帝  
幾年盡某帝幾年末又注以上詳見某帝紀雖曰撮  
要與袁書體例稍異可各自單行也諸家書目俱不  
載此從郡中汪氏所藏宋本影寫每半葉十四行行  
二十三字宋諱匡朗貞徵桓恒構字皆減筆

蜀鑑十卷

舊鈔  
本

不題撰人據李文子序知爲文子屬資中郭允蹈輯  
世亦稱文子作也此影寫宋本爲吳方山藏書較明  
初蜀本爲勝如光武建武元年延岑屯杜陵與赤眉

逢安戰大破之蜀本與誤興漢中王嘉亦與赤眉將  
廖湛戰於谷口大破之蜀本脫口字南陽今鄧州蜀  
本鄧誤登峽州長楊縣有古扞關城尚存蜀本脫尚  
字此類不可勝舉蜀本有淳祐五年古郢別某跋一  
篇此本無之舊為吳方山藏書末有方山跋云鋪序  
整飭記載詳到雖其文句不能如華陽志之秀拔贍  
美而每值郡邑地土必為標注使考蜀事者不至混  
漫此則有特長焉

卷首有吳岫及  
方山二朱記

別史類

汲冢周書十卷

元刊  
本

晉孔晁注此書在宋時有李文簡陳正卿藏本東徐  
丁黼校刻於嘉定十五年有李燾跋及黼序元至正  
甲午四明黃玠復序而刻之即此本也其程寤秦陰  
九政九開劉法文開保開八繁箕子耆德月令十一  
篇已亡中有闕文闕字蓋宋時已斷爛不全矣

卷首  
有吳

元恭氏及吳興  
沈淪二朱記

宋太宗實錄八卷

鈔  
本

宋錢若水柴成務宋度吳淑楊億同撰見晁氏讀書  
志陳氏書錄解題原書八十卷今存卷第二十六至  
三十卷七十六卷七十九至八十共八卷億本傳云

實錄凡八十篇億獨草五十六卷則此本多其筆也  
卷末有書寫人及初對覆對姓名宋諱皆闕筆郡中  
黃氏得南宋時館閣鈔本此從之傳錄

九國志十二卷

鈔本

宋路振撰振字子發永州祁陽人淳化中登甲科真  
宗時知制誥嘗采五代時吳南唐吳越前後蜀東南  
漢閩楚九國君臣行事作世家列傳未成而卒王厚  
齋云書凡四十九卷陳氏書錄云末二卷爲北楚書  
高季興事張唐英所補撰合五十一卷文獻通考宋  
藝文志俱作五十一卷不言補輯姓氏原書已失傳

此出曲阜孔氏舊鈔殘帙僅存列傳百三十六篇其  
世家之文俱佚矣

隆平集二十卷

明刊本

題南豐曾鞏集晁氏讀書志疑其書出依託非南豐  
所撰然趙伯衛序謂其爲左史日撰集以進且云曾  
大父昔典宗正嘗授此書又似無可疑者序作於紹  
興十二年其曾大父當亦元祐間人也今通行本多  
謬誤此江西曾氏刻本差勝序後有墨圖記云董氏  
萬卷堂本卷中多朱筆校正譌字末有題記一行云  
乾隆五十年夏四月二十五日雨窗校訖箸溪老人

記

玉牒初草二卷鈔本

題莆陽劉克莊錄宋寧宗嘉定十一十二兩年實錄也

古史六十卷宋刊本

宋蘇轍撰并序又後跋案文定此書草創於元豐中至元祐九年以少府監分司南京暇輒為之明年三月書成季子遜承命為之注卷首不題名氏小題在上大題在下書中桓字減筆蓋南宋時所刻每半葉十一行行廿二字舊藏邑中李氏卷首有李莊仲圖書記及海虞朝棟

莊仲寶藏朱記

通志二百卷元刊本

題右迪功郎鄭樵撰并序元三山郡庠刻本每半葉九行行二十一字至治初郡守吳繹嘗捐俸摹印數十部散之江北諸郡序後有至治二年九月印造一條并列當時福州路銜名七行

路史四十七卷明刊本

宋廬陵羅泌纂其子萃承命作注是書舊本久湮在明時有錢唐本多舛譌豫章本差善而僅梓前後紀其國名發揮餘論等未刻萬曆間廣陵喬可傳參校

重刻世始有完本可讀有乾道庚寅泌白序乾道丙申費輝序張鼎思刻前紀後紀序喬可傳重刻序

契丹國志二十七卷

元刊本

宋葉隆禮撰前有經進契丹國志表末題淳熙七年三月日祕書丞葉隆禮上表又契丹國初興本末契丹世系圖契丹國九主年譜契丹地理圖晉獻契丹全燕之圖卷末有黃堯圃二跋其一云契丹國志余向藏鈔本其上方有小字標明書中眼目以為必有所據及觀顧氏元刻本方信鈔本所自出果元本也昨歲春間鮑淥飲以元刻見歸尾卷多缺急向顧氏

借錄孰知顧本自十五卷以下皆缺乎遂就其見存之卷校補缺字而還之丁卯正月十九日復翁其一云辛未仲夏書友以契丹國志鈔本求售識是述古堂物與元刻款式同因請西賓陸東蘿鈔補余書之缺亦一快事也小暑後一日復翁識

大金國志四十卷

影鈔元本

首列宋端平元年正月十五日淮西歸正人改授承事郎工部架閣臣宇文懋昭上表目錄後有金國九主年譜又金國世系之圖其表與圖蘇州刻本俱遺又此本眉間有提要語與元刻契丹國志相同乃從

元本鈔出故與閣本亦有字句不同處未有漁洋山人跋

蜀漢本末三卷

元刊本

題趙居信集錄居信號東溪信都人此書作於至元戊子首列漢帝世次始高帝終帝禪又世系圖亦然意以蜀繼漢爲正統紀事之體亦依綱目而敘述較詳每條後附諸儒胡氏真氏尹氏蕭氏之論末自爲總論一篇美昭烈復漢之功而以史臣進曹魏抑昭烈爲厚誣曲諱論後又有自跋至正己丑嗣子某守建寧出其書示建安書院山長黃君復刻之君復有

跋卷末有建安詹璟刊一行元刻致佳本也

古今歷代十八史略三卷

元刊本

題廬陵曾先之編紀三皇至宋事爲上下兩卷首以歷代國號歌世年歌甲子紀年及國都地名爲一卷於史事粗具梗概元時鄉塾課本也舊爲錢遵王藏書見讀書敏求記

卷首有述古堂圖書記興祖孝修諸朱記

元祕史十五卷

鈔本

不著撰人名氏是編用蒙古語紀錄所聞旁加翻譯每段下又爲分解其詞甚俚而敘太祖太宗事最得其實可補元史之闕諸家書目皆不載惟見文淵閣

書目此出嘉定錢氏藏本自永樂大典錄出聞又有元刻本作十卷續集二卷

雜史類

國語二十一卷補音三卷

明刊本

題韋氏解有序補音則宋庠以唐人舊本補輯書中注明補音者乃宋氏增也明人刻國語散附各條下多脫誤此正德刊本尚仍宋本之舊惟校讐未善間有謬字如魯語踣跂注云賈本作跛布我反注云跛蹇也誤作蹄蹇也舊爲賴古堂藏本

卷首有櫟園周氏藏書朱記

鮑氏國策十卷

宋刊本

題縉雲鮑彪校注前有紹興十七年彪自序次以曾鞏舊序劉向進書序劉序後有記云彪校此書四易橐而後繕寫云云卷末又有記云庚午晦重校脫誤猶數十處此書手所撰次書也而若此是以知校正之難也後有刻板跋云國策舊有高誘注甚略吾鄉先生鮑公彪守習孤學老而益堅取班馬二史及諸家書比輯而爲之注條其篇目辯其譌謬缺則補衍則削乖次者悉是正之時出己意論說四易橐始成其用功亦厯矣而世罕傳余得其本刊之會稽郡齋使學者知前輩讀書不苟如此公妙年甲進士第恥

求人知嘗有此身甘作老文林之句其志操可見白  
首始爲郎卽挂冠歸田里杜門著書有書解及杜詩  
注行於世紹興辛亥日南至括蒼王信書每半葉十  
一行行二十字注字同書中慎字有減筆孝宗後刻  
本非紹興原刻也明嘉靖龔雷刻本行款相同無王  
信跋而有李文叔王覺書後二篇惟展卷一二葉卽  
有譌字韓策嚴遂陽堅也堅譌豎留之十四日十譌  
中客之辭辭譌辯其全書迷謬可知已

鮑氏戰國策注十卷

明刊本

題縉雲鮑彪校注有序此嘉靖翻宋本終卷後有附

記一條云庚午

原闕二字

晦重校脫誤猶數十處此書手

所撰次書也而若此是以知校正之難也知當時宋  
本得鮑氏手藁而刻者是本卷末有篆書云嘉靖戊  
子後學吳門龔雷校下有明威二字墨記舊爲太倉

陸氏藏本

卷首有潤之所藏朱記

戰國策校注十卷

元刊本

題縉雲鮑彪校注東陽吳師道重校此書合高誘注  
姚宏續注校正鮑注闕失每條注明正曰補曰別之  
仍不改鮑注原本面目爲從來注國策之最善本今  
世通行有明初刻本曲阜孔氏本此則至正二十五

年平江路所刊迺吳氏成書後第一刻本也劖劖精良校讐無譌乃元刻之僅見者第三四五六卷末有至正乙巳前藍山書院山長劉鏞重校勘一行第八九十卷末有平江路儒學正徐昭文校勘一行有彪自序師道自序及陳祖仁序其卷首牒文及劉向曾鞏序李文叔王覺孫元忠書後姚寬耿延禧序已闕

貞觀政要十卷

明刊本

題唐衛尉少卿兼修國史修文館學士吳兢撰陳氏書錄云新舊書列傳兢未嘗爲此官而書亦不記歲月案舊唐書兢傳實載此官惟不載是書耳元合魯

合刺解嘗爲之解以進見危太樸合魯武惠公家傳今亦不傳是本注文爲至順間臨川戈直伯敬所作又采唐宋諸儒說附之名曰集論刊於成化元年有兢自序吳澄題辭郭思貞題辭戈直序及明憲宗御製序

奉天錄四卷

舊鈔本

唐趙元一撰并序專紀朱泚作亂事始建中四年迄興元元年藏書家題著錄惟見崇文總目陳氏書錄及通志

五代史闕文一卷

舊鈔本

題宋翰林學士王禹偁撰進有自序書凡十七篇謂  
薛史所闕也歐史多采用之此本為孫潛夫鈔卷末  
題記云辛酉夏六月借黃俞邵鈔本一勘卷中有孫  
潛之印夫二  
朱記

五代史補五卷舊鈔本

題潯陽陶岳介立撰有自序岳為雍熙二年進士晁  
氏讀書志陳氏書錄俱作五代補錄共一百七事此  
則一百四事蓋有闕遺矣卷末有野竹齋藏本五字  
題記云己亥歲仲夏下浣傳俞氏假唐月心本重錄  
一過又云嘉靖十五年歲次丙申季秋下浣柳僉重

錄又朱筆題云崇禎辛未仲春六日以海虞馮已蒼  
鈔本對閱于寒山小宛堂則趙靈均筆也卷首有沈  
與文印

辨之印姑餘  
山人諸朱記

靖康紀聞一卷舊鈔本

題武陵孤臣丁特起編集前有自序謂靖康元年在  
京師為西樞門下客頗得其事繼趨函關與同舍郎  
講問尤詳悉懼天下後世或失其傳因列日以書之  
起元年十一月至明年五月九日日擊親聞罔敢違  
誤蓋實錄也

建炎復辟記一卷舊鈔本

不著撰人陳氏書錄亦曰無名氏全書俱紀苗劉之  
亂而載韓蘄王兵事特詳殆蘄王麾下賓客所紀卷首  
有平江陳氏西酌  
艸堂藏本諸朱記

松漠紀聞二卷

明刊本

宋洪皓撰紹興丙子伯子适刊於歙有跋乾道九年  
仲子遵守建鄴又刻之并撰補遺十一事於後皆得  
之傍侍親聞者亦有跋此明嘉靖間郡中顧氏重雕  
本卷末有長洲顧氏家藏宋板校行一條卷首有孫  
潛及潛夫

二朱記

大金弔伐錄二卷

舊鈔本

不著撰人名氏紀金太祖太宗與宋用兵事詳載國  
書答書誓詔事目冊表之類而終以冊封劉豫及豫  
謝表書分兩卷上卷始天輔七年至靖康元年下卷  
始靖康元年至天會七年此明長沙李文正公家藏  
本卷中朱筆塗改自注據宋本皆公手筆也卷首有  
西涯及

子孫永寶  
二朱記

辛巳泣蘄錄一卷

舊鈔本

題從政郎蘄州司理權通判兼淮西制置司僉廳行  
司公事趙與寰編紀嘉定十四年金兵陷蘄州郡守  
李誠之死難事宋史與寰誤作與裕舊爲汲古閣藏

本卷首有汲古閣毛晉私印字子晉諸朱記

金國南遷錄一卷舊鈔本

題金通直郎祕書省著作郎騎都尉張師顏撰自序  
紀金南遷汴京事與金史多牴牾不合未有元浦元  
玠跋

詔令奏議類

唐大詔令集一百三十卷舊鈔本

宋宋敏求編并序中有闕字宋諱字減筆每半葉十  
五行行廿六字世無刊本此明人依宋刻鈔出闕第  
十四至廿四第八十七至九十八凡三十三卷世亦

無全本可補矣潛研錢氏謂此書敬宗寶曆元年南  
郊赦文有亞獻嘉王運賜物一百匹之語知唐書十  
一宗諸子傳及德宗紀俱書嘉王運薨於貞元十七  
年之譌唐人著述可援以訂正史籍者不少古書所  
以足貴也舊為葉石君藏書卷中有樸學齋陽城張氏省訓堂經籍記張敦  
仁讀過太原王氏說  
經堂收藏諸朱記

西漢詔令十二卷東漢詔令十一卷宋刊本

西漢詔令宋林慮編有大觀三年程俱蔣璿序又慮  
自序東漢詔令樓昉續編有嘉定十五年自序是編  
為南宋時合刊亦名兩漢詔令卷首目錄前有洪咨

夔總論每半葉十行行十八字匡桓字減筆舊爲葉

九來沈椒園藏書卷中有葉氏藏書南陽講習堂光輪印玉峰徐氏藏書沈廷芳印椒

園諸朱記

宋大詔令集一百九十五卷舊鈔本

不著撰人姓名據陳氏書錄趙氏讀書後志皆云紹興間宋宣獻家子孫所編纂玉海亦云出於宋綬之家案唐大詔令爲宣獻子敏求所編此書殆出敏求之後歟原書二百四十卷今闕宰相類卷七十一至九十三武臣類卷一百六至一百十五政事類卷一百六十七至一百七十七凡四十四卷雖已殘佚而

北宋典章所存實多其可據以參校宋史者不勝數也

注陸宣公奏議十五卷元刊本

唐陸贄撰宋郎暉注案暉字晦之爲岷縣主簿嘗注宣公奏議及三蘇文投進見周輝清波雜志此本前有紹興二年八月初七日進表而表中有至尊壽皇帝云云則紹興乃紹熙之譌也又有權德輿原序蘇軾進讀劄子卷一後有墨圖記云至正甲午仲夏翠巖精舍重刊卷首有敬父二字朱記

孝肅包公奏議集十卷明刊本

宋包拯撰門人張田編田題辭謂公薨後三年田守廬州盡得公生平諫草於其嗣子大祝君因取其大者列三十門凡一百七十一篇紹興二十七年廬州學教授吳祇若刻板郡學旋燬淳熙二年合肥守東平趙礪老復跋而刻之明正統間合肥方正又有重刻本有胡儼序及正跋此則嘉靖間崇藩刻本卷中遇陛下聖慈等字每空格蓋輾轉相承猶不改舊本之式有舊序跋及嘉靖二十二年崇藩序

元城先生盡言集十三卷

明刊本

宋劉安世撰前有張九成序後有王絢梁安世跋淳

熙中有刻本隆慶辛未銅梁張壚山刻於大名郡學陸東石星爲之序書中語涉宋帝俱空一格猶仍宋本式也

李忠定公奏議六十九卷附錄九卷

明刊本

宋李綱撰陳俊卿及朱子二序俱稱八十卷此明正德間巡按福建御史山陰胡文靜所刻非舊第矣有文靜及林俊序

石林奏議十五卷

影鈔宋本

宋葉夢得撰舊不題名亦無序每卷次行題模編案宋史本傳模公之子也建康集百卷已佚今傳八卷

本無奏議此本見陳氏書錄知宋時亦單行於世者其目案職守編次始應天尹終福建路安撫使皆過江後之作故趙氏輯諸臣奏議惟采上徽宗論朋黨之失一篇而未見此書宋史作傳歷敘其官與此所載略同且多采其辭是史臣亦見其書者惟傳中未及其為應天尹乃其疏處郡中士禮居黃氏嘗得宋刊本此從之影寫者每半葉十行行二十五字百宋賦注作每行二十十字脫去五字後有跋末署開禧丙寅六月既望姪孫朝奉大夫改差權知台州軍州兼管內勸農事借紫箋謹書惜書中間有剝蝕跋尤蝕者過半不能讀

矣

宋特進左丞相許國公奏議四卷

鈔本

宋吳潛撰案公有履齋遺集四卷宣城梅氏所編已著錄 四庫全書提要此書傳本絕稀惟見淡生堂書目前有二序一為里人一為後裔皆不著姓名奏議凡六十三篇始紹定四年終景定三年宋史本傳所載諸疏悉在卷中

國朝諸臣奏議一百五十卷

宋刊本

題龍圖閣直學士朝散大夫成都潼川府夔州利州路安撫制置使兼知成都軍府事兼管內勸農使充

成都府路兵馬都鈐轄祥符縣開國伯食邑九百戶  
臣趙汝愚編有進書劄子并序此書以北宋諸臣章  
奏分類編輯始事於守閩郡時成書於知成都日凡  
十二門曰君道帝系天道百官儒學禮樂賞刑財賦  
兵制方域邊防總議進呈乙覽蜀中有刻本旋以兵  
燬淳祐間忠定孫必愿出家藏彙本福建路提舉史  
季温重刻之卽是本也每半葉十一行行廿二字有  
趙希澗及史季温序

諸臣奏議一百五十卷

校宋本

此錫山華氏會通館本卽依宋本擺印惟原闕處卽

連接之爲謬友人邵艮仙據宋本一一校正跋其後  
云會通館活字本中間譌謬舛躋幾不可讀甲申秋  
七月假張月霄所藏宋板讐校缺者補之訛者正之  
以甲之前半篇接乙之後半篇而不能句讀者足之  
宋板漫漶者闕之凡雙行夾注者悉以紅點誌之歷  
十月而始蕝事其趙希澗序一篇奏劄一道自敘一  
篇史季温跋一篇總目十三葉  
活字本未錄 目錄一百四  
葉俱照宋板錄出以存其眞

鐵琴銅劍樓藏書目錄卷九終



